

652

82

P-26

82

F-26

42

ԼՈՐԳ ԲԱՅՐԸՆ.

ԴՈՆ-ԺՈՒԱՆ

ԵՐԳ ԱՌԱՋԻՆ

ՀԵՂԻՆԱՆԻ ՊԱՏԿԵՐԹՎ.

Թարգմանումին

Լ. ԱՐԻԱՀԱՄԵԱՆՑԻ.

ՄՈՍԿՈՒԱ.

ՏՊԱՐԱՆ Գ. ԲԱՐԽՈՒԴԱՐԵԱՆԻ.

1894

2703

011

ԴՈՆ-ԺՈՒԱՆ

Difficile est proprie communia dicere.
Horatius.

Ն Ո Ւ Է Ր.

I.

Բոր Սուլթէյ, դու բանաստեղծ ես, և բանաստեղծ-
դպինեպսակ. դու ամբողջ բանակի ներկայացուցիչ ես,
Թէպէտե ներկայումս «Թորի» ես դարձել. ասե՛նք, Թէ
վերջին ժամանակ սա մի շատ սովորական երևոյթ է: Իսկ
այժմ, իմ ուխտադրուժ քերթող, այժմ ի՞նչ ես անում
«Անկիսաներից» հեա, որոնք իմ կարծեքով, մեծ նմանու-
թիւն են բերում մի կարկանդակում թխած «քսան և
չորս տորդիկներին»:

II.

«Եւ երբ այս կարկանդակը կարեցին—տորդիկները
սկսան երգել, անասելի զուարճութիւն պատճառելով թա-
ղաւորին և տեղակալին». այս հրապարեան երգը և բերած
նմանադուլթիւնս, կարծում եմ, անցի են զարիս: Կոյրիջը

Գոն-ժոան.

1

Дозволено цензурою. С.-Петербургъ, 16 ноября 1894.



(5187-55) 13312-5

Тип. X. Бархударянъ, Москва, Мясницкая, д. Ермакова.

փորձեց օգուժը սլանալ, բայց բազէի նման, որի թռիչքին խառնում է զլսի զարդը, նա շիտթուեց սաստիկ, ձգտելով հասկացնել հասարակութեան իւր մետաֆիզիկան:

III.

Դու, Բոր, յանդուզն ես մի՞թէ չես տեսնում, որ անդօր ես քո ձայնով ուրիշ թուշուների ձայներին տիրել, պաակերացնելով այդպէս կարկանդակի միակ երգող սորդիկը: Բաւական է, Բոր, զուր է աշխատանքդ բնութիւնից վեր լինել, եթէ ոչ կընամանես այն թուշող ձկան, որ բերանը բաց ընկնում է օդից նաւի տախտակամածի վերայ: Դու շատ բարձր ես թուշում, սիրելի իմ Բոր, և ջրից զուրս շատ երկար ես մնում:

IV.

Վորդսփօրաբ իւր համառօտ «Excursion»-ի մէջ, որ հինգ հարիւր երեսից է բազկացած, փորձեց ընծայել աշխարհին մի նոր սխտեմ, որ կարող է խմաստուններին անգամ խելքիցը հանել. միեւնոյն ժամանակ նա հաւատացնում է, որ հէնց սորանուսն է քերթողի արուեստը. սա շատ հաւանական կըլինէր տարուայ այն եղանակին, երբ շները սխտում են կատաղել և նա, որ կըհասկանայ Վորդսփօրաին, — անշուշտ, ընդունակ կըլինի Բաբելացոց աշտարակին մի նոր յարկ աւելացնելու:

V.

Դուք, պարօններ, հեռացել էք և փակուել Կիսվիլում, երեւի, հասարակութեան ամենալաւ մասից փախ-

չելու նպատակով, և այնտեղ ձեր մաքերը այնպէս էք միմեանց հետ յարմարեցրել, որ այժմ, իրաւ, համողութեամբ էք դուք, թէ քերթողների գափնիները լոկ ձեզ համար են հիւսուած. այս կարծիքը այնքան նեղ է և սխալական, որ ստիպում է ինձ ՚ի սրտէ ձեզ ցանկանալ՝ լայնացնել ձեր բանականութեան լիճը մինչև Ովկիանոս:

VI.

Ոչ, թէև ինքնասիրութիւնից միայն զրգուած, ես երբէք չեմ կարող այդ կարծիքի լինել. ոչ ձեր բոլոր փառքը անդօր է ներշնչել այդպիսի մի գաղափար, թէպէտև փառքի հետ, պէտք է սասած, զուք ձեռք էք բերել և ոսկի: Դուք ստացաք ձեր արդիւնքը, բայց մի՞թէ միայն սորա համար էր ձեր բոլոր ճիզը: Վորդսփօրաբ նստած է այժմ մաքսատանը: Էհ, ամենքդ էլ բաւականին կեցտոս էք, թէպէտև բանաստեղծներ էք կոչուում, և նստած էք անմահ բլրի կատարին:

VII.

Դափնեայ պսակը քողարկում է ձեր լիտի ճակատները, և, կարելի է, երեսներից վերայ մնացած վերջին խիղճը: Իէհ, պինդ պահեցէք ձեր գափնիքը — ես չեմ նախանձում ոչ նոցա պտուղներին և ոչ աերեններին: Իսկ որ դուք ձգտում էք փառք և անուն ստանալ, — բայց է ճանապարհը ամենքի համար և մատչելի նոցա, որոնք զգում են իրանց մէջ բանաստեղծական բոց: Սկոտա, Ռոջերս, Կեմբել, Մուր, Կրաբբէն — ամենքն էլ մրցելու են ձեզ հետ հետադայ սերնդների դատաստանի առաջ:

VIII.

Իսկ իմ Մուսան ոտով է անցնում իւր ճանապարհը և բնաւին ցանկութիւն չունի ձեզ հետ միասին Պեզաս հեծնելու: Աստուած ապ ձեզ որքան կարելի է, մեծ անուն. . . և նորա հետ միասին ազգանդ, որից զուրկ էք դուք: Իմացէք միայն, որ իսկական քերթողը ոչինչ չէ կորցնում զովասանք աւելով իւր եղբայրակցին — և որ զանգատը ժամանակակիցների անտարբերութեան վերայ մի շատ վատ միջոց է՝ ապագայում փառքի արժանանալու:

IX.

Նա, որ ձգտում է իւր գափնիքը աւանդել հետագայ սերնդին, որ սովորաբար զրեթէ չէ յայտնում իւր իրաւունքները այս կտակի վերայ, նա շատ խիստ է սրխալվում առատ բերքին սպասելով, թէպէտև, ճշմարիտ է, ժամանակի լայնածաւալ օվկիանոսի միջեց երբեմն երևում են մի-մի հսկաներ հանձարի, իսկ մեծամասնութիւնը անհետանում է, Աստուած գիտէ, ուր, որովհետև նա է միայն, որ կարող է այդ իմանալ:

X.

Եթէ Միլտոնը չար լեզուների հալածանքներին ենթարկուելով, արասուալեց գիմում էր ժամանակի անաչառ միջնորդութեան և եթէ վերջինը, որի վրէժխնդրութիւնը սոսկալի է, նդովեց նորա թշնամիներին, Միլտոնի անունը զուգաւորելով «վսեմութեան» հետ — սպառձառն էր, որ Միլտոնը երբէք չսպաւականեց իւր անբիծ հողին կեղտոտ երգերով և իւր քանքարը յանցանքի զործիք

չըշինեց. նա չանարգեց հօրը՝ որդուն զօվելու համար, և մեռաւ մաքուր, ինչպէս ապրած էր՝ — բռնաւորների մըշտական սխերիմ՝ թշնամի լինելով:

XI.

Կարծում ես, որ նա, այդ կուրացած ծերուկը, եթէ հնար լինէր զերեզմոնիցը կանգնել, նման Սամուէլին, որի մարգարէութիւնը թագաւորների արիւնն էր ստոյնում: Եթէ նա կարողանար վերստին շունչ ստանալ, մաղելը սպիտակած տարիքից և վշտից, աչքերը լուսազուրկ, իւր անխիղճ զաւակների հսկողութեան մտանած, զուստ և չքաւոր գէմքով, կարծում ես, որ նա խունկ կրվաւոր սուլթանների առաջ, կարծում ես, որ նա գլուխը կրկորացնէր Կասալրիի, այդ մտաւորական ներքինու առաջ:

XII.

Սառնասիրտ եղեռնադործ, անգորր և ննկ գէմքով: քո քնքոյշ և մատաղ ձեռքերը արիւնաթաթախ են եղել Իրլանդիայի վէլքերից, և այժմ ասպարէզդ լայնացնելու համար, արիւնածարաւ զործունէութիւնդ Անգլիա ես տեղափոխել. ո, անարգ զործիք և բռնաւորների սարուկ, քեզ տուած է միայն այնչափ քանքար, որչափ բաւական է, ուրիշների ձեռքով կռած շղթաներին մի քանի օղեր աւելայնելու և թոյնը վաղուց պատրաստած զօհերիդ առաջարկելու:

XIII.

Ոհ, անմիտ և տխմար հրապարակախօս. ճառերդ այնքան ճնշին են և ստոր, որ մինչև անգամ շողորթթներդ

չեն համարձակում զովարանել նոցա և քո թշնամիք, իսկ քո թշնամիք՝ բոլոր ազգութիւններն են, քեզ չեն ընծայում նաև մի թեթև ժպիտ: Եւ ոչ մի կայծ չի այլեց այդ էքսիտնի երկամաքարից, որ անընդհատ պտտուելով, պատկերացնում է աշխարհի առաջ անվերջ աշխատանք, անվերջ աղետի և յարատև շարժման գաղափարը:

XIV.

Անարժան գործաւոր, նաև իւր զազրելի արուեստում, որ թէպէտև միշտ կարում է և կարտում, բայց և այնպէս թողնում է ամեն տեղ ծակեր իւր իշխաններին սարսափեցնելու. ազգերի ստրկութիւն, մտքի ճնշում, դաւերի և կոնկրետների յօրինում. նա է այդ ամենի միակ պատճառը: Կապանքների մատակարար մարդկութեան համար, ճարպիկ նորոգիչ՝ հնացած շղթաների, թող արդիւնքդ լինի՝ պատուահաս Սատուծոյ և ատելութիւն մարդկանց:

XV.

Այս անշունչ առարկան (կարծող է նա մարդ կոչուել, եթէ հողին համապատասխան է մարմինն) իւր մաշուած ուղեղով քաջ դիտէ երկու բան՝ ծառայել և կապանքներ ամբացնել, կարծելով, թէ այն շղթան, որին ինքն համբերութեամբ է տանում, կարող է տանել և ամբողջ մարդկութիւնը: Եւարոպիոս՝ բազմաթիւ տիրաց, կոյր օտարի արժանեաց առաջ, որպէս կոյր է ազատութեան, կոյր է իսկիւրի և իմաստութեան վերաբերմամբ: Մարդ աներկիւզ, որովհետև զգացողութիւնը չէ կարող սառուցի տակ մընայ. անգամ քաջ լինելով,—նա մեղի է մնում:

XVI.

Ո՛ւր գնամ, ո՛ւր փախչեմ նորա շղթաները չտեսնելու համար, որոնց համբերել համաձայնելու չեմ երբէք: Իտալիա՛, —աւանդ, հոռուական հողիդ մի վայրկեան յարուցուած, վերտին ճնշուեցաւ այս անարգ քաղաքական գործիքի դաւերով. ո՛, քո շղթաների ձայնը, որպէս և Իրլանդիայի վէրքերը, հնչում են և դոչում աւելի ևս բարձր քան ես: Եւրոպան ունի ստրուկներ, դաճակից թաղաւորներ, զօրքեր, և վերջապէս քեզ Սուլթէյ, որ այդ ամենը փառաւորում ես քո անշնորհ երգերում:

XVII.

Այնու ամենայնիւ, քեզ եմ նուիրում, զափնեպատկ պօհա, քեզ եմ նուիրում վիպասանութիւնս այս արձակ և ճշմարիտ առղերով. եթէ ես չեմ շողքորթում, պատճառն այն է, որ պահպանել եմ զեռ իմ «կապոյտ և գեղին գոյները»: Իմ քաղաքական ուղղութիւնը վերջնականապէս զեռ չէ որոշուել, թէպէտև ուխտապրժութիւնը մեր օրերում այնքան սովորական է, որ համոզմունքների պահպանութիւնը հաւասար է չերկուլեսի սխրագործութեան. ի՞նչ կ'ասես, իմ Թորի, իմ ուլարա-ուխտապրժութ Յուլիանոս:

ԵՐԳ ԱՌԱՋԻՆ.

I.

Ինչ պահաս է հերոս, մի անսովոր երևոյթ, նամանաւանդ մեր ժամանակ, երբ իւրաքանչիւր տարին, իւրաքանչիւր ամիսը բերում է իւր հետ հերոսների մեծ քանակութիւն. բայց, աւանդ, լրագրներում տպած ճոխ և բազմաթիւ զովարանութիւնները կարգաւուց յետոյ, զըզոսհութեամբ տեսնում ենք, որ նոցանից և ոչ մէկը ճշմարիտ հերոս չէ: Ոչ, ես չեմ երգելու այս շարքի հերոսներին, ես կ'ընտրեմ մեր վաղեմի բարեկամ Դոն-ժուանին. ամենքս, անշուշտ, տեսել ենք թատրոնում, ինչպէս նա, իւր ժամանակից մի քիչ առաջ, սատանայի ձեռքը ընկաւ:

II.

Վերնոն¹, արիւնարբու Կումբերլանդ, Վոլֆ, հովկէ, իշխան Ֆերդինանդ, Գրանբի, Բուրգուան, Կեպպել, հովէ, լաւ էին, թէ վատ, ամենքն արժանացան ազգի պարճանքն դառնալ, ինչպէս մեր օրերում Վելլինգտոնը. ամենքն էլ փառքի յետեւից ընկած նմանողութիւն բերեցին Բանկի թագաժառանգներին և... մի էզից ծագած ինն խոճկոր-

¹ Յայտնի անգղիացոց ցամաքային և ծովային զօրապետ էր:

ներին²: Փրանսիայում նոյնպէս Բօնապարտէն և Դիւմուրիէն իրանց գործերով լցրել են «Մոնիտորի» և «Կուռիերի» սիւնեակները:

III.

Բարնաւ, Բրիսսօ, Կոնգորսէ, Մարաա, Պէտիօն, Կրիօստս, Դանտոն, Միրաբօ, Լաֆայետ, ամենքդ դիտեք, Փրանսիացիք են հոգել և միևնոյն ժամանակ նշանաւոր անձինք: Կան և շատ ուրիշ անուններ, որոնք մոռացութեան դեռ չեն ենթարկուել, օրինակ՝ Ժուբէր, հօշ, Մարսօ, Լան, Դէզէ, Մօրօ և այլ զօրակամներ իւր ժամանակին հոչակուած, բայց սոցա անունները շատ վատ են կապվում չափերիս հետ:

IV.

Նեյտոնը մի ժամանակ Մեծ Բրիտանիայի համար պատերազմի աստուած էր. նորա անունը, անշուշտ, դեռ երկար պիտի հնչէ, բայց աւանդ, յեղյեղուկ են հանդամանքները, և այժմ այլ ևս չեն յիշում Տրանֆայլգարը՝ այս անունը հանդարտ ամփոփուած է մեր հերոսի փոշու հետ: Այժմ ցամաքային զօրքերն են զլխաւոր դերը խաղում, դժգոհութեան առիթ տալով ծովային հերոսներին, նամանաւանդ, որ մեր թագաւորն էլ զլաղուած է միայն ցամաքային զօրքերի բարեկաւութեամբ, բնաւին մոռանալով Դուռկանի, Նեյտոնի, հովէի և Ջերվիլիսի² սխրագործութիւնները:

¹ «Մակրէթի» կախարդները մորթելով խոզին, որ կլանում է իւր ինն խոճկորներին, հանդէս են հանում զինուորուած գլուխ—պատկեր զինուորական փառքի—և Դոնկանին ժառանգող ինն թագաւորներ:

² Երևելի անգղիացոց ծովապետներ:

V.

Ազամեմննից ասաջ, անշուշտ, եղել են քաջամարտիկ, նորանից էլ յետոյ սահաւածիւ չեն քաջ, իմաստուն և պատուարժան զօրապետներ Միկենի թագաւորին նման, թէպէտև ոչ կատարելապէս. բայց, աւանդ, նոցա անունները չեն զարգարում բանաստեղծների էջերը և այս պատճառով վաղուց արդէն մոռացութեան են ենթարկուել: Չկարծէք, որ ես ցանկութիւն ունեմ նոցա փառքը նսեմայնել—Աստուած մի՛ արասցէ, ոչ, ցաւով պիտի խոստովանեմ, որ արդի դարում հազիւ թէ գտնէք մի հերոս վիպասանութեանս, այսինքն՝ այս գրուածիս յարմար և ահա ինչու իմ ընտրածս՝ Դոն-Փուանն է լինելու:

VI.

Դրեթէ բոլոր վիպասանները սովորութիւն են արել սկսել իրանց պատմութիւնը in medias res (անցքերի միջեց). այդպէս է զիւցադնական երկասիրութիւնների հոսանքը, որ աւանդել է մեզ հորացիոսը, և միայն յետոյ հերոսը ձեզ համբաւում է այն անցքերը, որոնք սկզբից առաջ են եղել: Եւ ահա, առաա ճաշից յետ, նա բազմում է յարմար կերպով իւր սիրածի կողքին, անշուշտ, սքանչելի մի տեղում՝ արքունեաց, պարտիզի, զբախտի կամ այրու մէջ, որ հիւրանոց պիտի ներկայացնէ այդ կրճանիկ զոյգին:

VII.

Սյդպէս է ընդհանուրի շաւիղը, բայց ոչ իմս. ես աւելի կըհաւանեմ սկսել հէնց սկզբից և սորանով վիպասանութեան կանոնաւորութիւնը պահպանել և աննե-

րելի սխալներից խորշել: Ուրեմն ես կըսկսեմ խօսքս (վախնում եմ միայն, մի՛ զուցէ ժամեր կորցնեմ չափը չափի հետ յարմարեցնելու), խօսքս, որ Փուանի ծնողներին է վերաբերուելու, եթէ, ի հարկէ, այդպէս է ձեր ցանկութիւնը:

VIII.

Նա ծնաւ Սեվիլլում—սքանչելի քաղաք, հռչակուած իւր նարինջներով և կանանց զեղեցկութեամբ¹: «Թշուառ է այն մարդը, որ չէ տեսած Սեվիլլը», ասում է Ժողովըրդական առածը². ևս էլ ոտից մինչև գլուխ այդ կարծիքի եմ: Սպանիայում հազիւ թէ կայ մի ուրիշ քաղաք այդքան զեղեցիկ. Կաղիքսը կարելի է... բայց այս հարցը մի ուրիշ անգամ: Փուանի ծնողները ապրում էին այն գետի ափերում, այն ազնիւ գետի, որ կոչվում է Գվադալկվիվիլ:

IX.

Նորա հայրը կոչուում էր Խօզէ... 'ի հարկէ Դոն, մի իսկական հիդալքօ... Նորա երակների արիւնին չէր խառնուել ոչ մի մարտական կամ երբայական կաթիլ. նա ամենահին տոհմից էր և երբէք աւելի ազնիւ ասպետ ձին

¹ «Սեվիլլայի կանայքը մեծամասնութեամբ շատ զեղեցիկ են՝ խոշոր սև աչքեր և մի գնացք, որի վայելչութիւնը դժուար է երևակայել մինչև անգամ. տրան աւելացրէք զեղեցիկ և միևնոյն ժամանակ հասարակ զգեստը: Նոցա արտաքին ղէմքը հրապուրիչ է, նոցա մտքի, նոցա կեանքի միակ զրադմունքը սէրն է: Դրսուհին կրթուած է անչափ, որչափ ուսմկունքին, և ուսմկունքին հաւասար է դրսուհուն իւր վայելուչ ձեւերով». Բայրըն:—² Quien no ha vista Sevilla No ha vista maravilla.

չէր հեծած, կամ միանդամ հեծած ձիուց չէր վայր իջած—ասՀա ի՛նչ նշանաւոր մարդ էր Դոն-Խոզէն, որից կրճնի ժուանը, վերջինից էլ կրճնի... բայց Համբերութիւն, այդ յետոյ կ'իմանաք... և այդպէս, ես շարունակում եմ:

X.

Նորա մայրը մի զիսնական կին էր, հռչակուած իւր քաջ ծանօթութեամբ քրիստոնեաց ազգերի յայտնի զիտաւթեանց իւրաքանչիւր ձիւղն հետ: Նորա առաքինութիւնը հաւասար էր խելքին, նորա քանքարները ամօթհար էին անուամ ամենահմուտ մարդկանց, ամենամեղմ բնութեան մարդիկ մինչև անդամ զազանի նախանձ էին զգում, անսնելով նորա զերազանցութիւնը:

XI.

Նորա յիշողութիւնը անսահման էր. նա անզիր զիտեր ամբողջ Կալդերօնը և զրեթէ բոլոր Լոպէ-զը-Վէգան, այնպէս որ եթէ գերասանը սխալուէր իւր զերում, այդ կինը կարող էր յուշարարի զիրքը փոխարինել: Ֆէինագլի¹ զիտութիւնը նորա համար մի անպէտք զիտութիւն էր և ինքն Ֆէինագլը ստիպուած էր իւր խանութը փակել, խոստովանելով, որ նա երբէք հասնելու չէ այն յիշողութեան, որ ընտրել էր բնակարան Դոնա Ինեյի զլուսը:

XII.

Մաթեմատիկան նորա սիրած զիտութիւնն էր², մե-

¹ Գեղոր ֆոն Ֆէլինագլ—յայտնի ուսուցիչ «Մենմոնիկայի», յիշատակագիտութեան:—² Լեդի Բայրընը զեղեցիկ գաղափարների տէր

ծահողութիւնը՝ նորա առաջին առաքինութիւն: Նորա խելքը (որի մասին, պէտք է ասած, մեծ կարծիք ունէր) իսկ ատտիկական էր, խօսքերը միանգամայն մութ և խորիմասա. կարճ ասած, նա ամեն բանի մջ ներկայացնում էր այն, ինչ որ ես ասում եմ «հրաջը»: Նորա առաւօտեան հագուստը կանիճասից էր, երեկոյեանը՝ մետաքսից, ամառը՝ մի նրբաթել կտաւից... և այլ կտաւներից, որոնց վերայ կանգնել այժմ չունեմ ցանկութիւն:

XIII.

Նա զիտէր լատիներէն—այսինքն՝ Pater noster, և յունարէն, անշուշտ, այբուբէն. ժամանակ առ ժամանակ նա կարգում էր Փրանսերէն վէպեր, թէպէտև այդ լեզուամ այնքան էլ հմուտ չէր. իսկ սպաներէնը՝ նորա մայրենի լեզուն՝ վերին արհամարհանքի մջ էր դանվում, և ասՀա ինչու նորա խօսակցութիւնը միշտ մի քիչ խրթին էր, նորա մտքերը՝ թէօրեմաներ էին, խօսքերը՝ հանելուկներ, ասես թէ, նորա կարծիքով, խօսքի մթութիւնը մտքին ազնուութիւն էր աալիս:

XIV.

Նա սիրում էր անզլիներէնը և երբայերէնը և այդ երկու լեզուների մջ մի տարօրինակ մտերմութիւն էր գտնում, պնդելով իւր կարծիքը սուրբ զբքերից առած քանի մի քաղուածներով: Ես թողնում եմ նորա ապացոյցները զիւրահաւաս մարդկանց, աւելայնելու եմ մի-

էր, բայց երբէք չէր կարող նոյա պարզ արտայայտել, նորա նամակները դժուարամտցելի էին և յաճախ անհասկանալի. նա շատ անգամ ասում էր, որ նորա գաղափարները մաթեմատիկայի նման ձիշտ և անճերքելի են:

այն, որ յաճախ իմ առաջ նա յայնձեռն է եղել (Թող կարծեն, ինչ որ կամենան), որ երբայցեւոյ «ես եմ» խօսքերը տարօրինակ կերպով միշտ առաջ են զբաժնում լինում անզղիացեաց damn խօսքին¹:

XV.

Ուրիշ կանանց լեզուն է ծառայում, բայց Դոննա Ինեցի հայեացքը մարմնացած զրոյց էր, նորա ամեն մի աչքը՝ հրահանգ, նորա ճակատը՝ կենդանի քարոզ կեանքի բոլոր դժուար հարցերը նա ինքն էր լուծում առանց զիմելու ուրիշների օգնութեան, ինչպէս հանդուցեալ խեղճ Սամուէլ Ռոմիլլին, օրէնքների թարգմանը և պետական գործիչը², որի ինքնասպանութիւնը մի տարօրինակ երեւոյթ էր: Տխուր օրինակ, նամանաւանդ ախուր, որ «ամենը ունայնութիւն է» մեր թշուառ աշխարհում: (Իստաստանը վճռեց, որ նա խելագար էր):

XVI.

Մի խօսքով, նա մաթեմատիկայի կենդանի ձեռնարկ էր. նորա մէջ էին ամփոփուած միտ էջևվորտի նոր վէպերը, կամ միտ Տրէմերի դաստիարակիչ զրուածները, կամ սիրականներին խնդրող «Յեկեբսի կինը»³: Բարոյա-

¹ «ես եմ, որ էնն», — ասում է Սատուած, — անզղերէն՝ ես եմ Սատուած God am, իսկ Goddamn նշանակում է՝ թող Սատուած ինձ սպանէ, դատապարտէ: — ² Սամուէլ Ռոմիլլին հոկտեմբերի 29-ին զրկուեց իւր ամուսնուց, իսկ նոյեմբերի 2-ին ինքնասպանութիւնով վերջացրեց իւր կեանքը: Բայրընի նամակներից երևում է, որ այդ մարդը չար դեր է խաղացել նորա ընտանեկան գործերում. — բանաստեղծը անուանում է նորան իւր սպանիչ: — ³ Մէրի Էջևվորտ, Տրեմեր և Սենա Մօր իւր ժամանակին լայտնի էին իրրև հեղինակներ, այժմ մոռացուած:

կանութիւնը լիապէս էր պատկերացել նորա մէջ և նախանձը չէր կարող ոչ մի բիծ դանել այս զոհարի պէս փայլող արարածի մէջ. նա ուրիշներին էր թողել քնքրյշ սուտի բոլոր թերութիւնները. նա չունէր ոչ մի պակասութիւն. . . (և այս, կարծում եմ ես, բոլոր պակասութիւններից ամենապատթարն է):

XVII.

Ո, նա կատարելութիւն էր և ոչ մէկը արդի սրբօհրներից չէր կարող հաւասարուել նորա հետ. նա այնքան վեր էր դժոխքի զրաւիչ փորձանքներից, որ սպասուոր հրեշտակը վաղուց էր հեռացել նորանից անտեղի գանելով իւր հսկողութիւնը նոյա ամբիժ հոգու վերայ: Նորա ամենաչնչին շարժուածքը այնպէս էր կանոնաւորուած, ինչպէս ճարտարների գործարանից դուրս եկած ամենաճիշտ ժամացոյցը, և ոչինչ աշխարհում չէր կարող վեր լինել նորա առաքինութիւնից, բայցի քեզանից, ո՛վ անզուգական Մակասարի ձէթ:

XVIII.

Ուրեմն նա կատարելութիւն էր, բայց, աւանդ, կատարելութիւնը մի անտեղի բան է մեր չար աշխարհում, ուր մեր նախածնողները, երբ սիրոյ ճաշակը առան, տարազիր եղան առաջին բնակարանից. ոյնտեղ ամեն ինչ խաղաղութիւն, անմեղութիւն և երջանկութիւն էր շնչում (հետաքրքիր է իմանալ ինչպէս էին անցնում օրուայ տասներկու ժամերը): — Եւ այսպէս, Դոն-Խօզէն Եւայի իսկական պատկերը լինելով, քաղում էր ծաղիկներ այստեղ և այնտեղ՝ ի հարկէ առանց իւր կնոջ թոյլաւութեան:

XIX.

Նա այն անհոգ արարածներից էր, որոնք, զուրկ զիտութեան ճաշակից, միշտ հեռու են քաշուում զիանականներից. նա հանգիստ սրտով գնում էր, ուր կամենում, շատ չմտածելով, արդեօք ի՞նչ կ'ասի նորա սիրելի աիկինը: Աշխարհը, որ բոս սփորութեան, մի ինչ որ զուարճութիւն է գտնում աէրութիւններէ կամ ընտանիներէ կործանման մէջ, աշխարհը՝ մէկ բերանից միւս բերան պատմում էր, թէ Գ. Խօզէն սիրական ունի: Ոմանք պնդում էին, որ մէկ չէ, երկուսն ունի, իսկ ես կարծում եմ, որ մէկն էլ շատ բաւական է ընտանեկան կեանքի խաղաղութիւնը վրդովելու:

XX.

Դոննա Ինեցը շատ բարձր էր գասում իւր անձնաւորութիւնը. սրբուհի է այն կինը, որ իւր ամուսնուց բացի արհամարհանքից ոչինչ չէ տեսնում: Իրաւ որ սրբուհի էր Դոննա Ինեցը, թէպէտե միւս կողմից սատանան էր երեւի նստած նորա զլիւում, որովհետեւ շատ անգամ, լիկ կասկածից զրգուած, նա օգտվում էր ամենաջնջին զէպքից իւր աէրին և ամուսնուն որոզայթի մէջ ձգելու:

XXI.

Վերջինը շատ հեշտ կարող էր պատահել մի մարդու հետ, որ յաճախ յանցաւոր էր լինում և երբեք՝ զլոյշ: Ամենազգաստ անգամ մարդկանց համար լինում են բուպէներ, ժամեր, օրեր, երբ նոքա այնքան քիչ են պատրաստ անպատահ զէպքերին, որ նոցա կանանց հօվահարի մի հարուածը բաւական է լինում նոցա տեղն ու տեղը

զնկու. և խիստ են երբեմն կանանց հարուածները. ես ինքս աիանատես եմ եղել, ինչպէս հօվահարները փշուռել են և ի՞նչ զեղեցիկ ձեռքերում... Երբ և ինչու, այդ իմանալու չեն:

XXII.

Թշուառ են այն զիտուն օրիորդները, որոնց պատկում են ազէա մարդկանց հետ կամ այնպիսիների, որոնք, թէև աղնուատոհմ են և բաւականաչափ կրթուած, այնուամենայնիւ յօրանջում են զիանական խօսակցութիւններից. այժմ ցանկութիւն չունեմ կանգնել այս առարկայի վերայ. ես ինքս մի հասարակ մարդ եմ և միևնոյն ժամանակ ազատ ամուսնական լուծից, բայց անկեղծ ասացէ՛ք, դուք, որ զիտուն կանանց ամուսիններ էք, չէ որ նոքա նմանողութիւն են բերում այն հաւերին, որոնք աքաղաղին են զարկում:

XXIII.

Դոն-Խօզէն և նորա ամուսինը անզազար կուռի և խռովութեան մէջ էին. ի՞նչ էր պատճառը — բացատրել ոչ որ չէ կարող, թէպէտե հազար ու մէկ մարդ յայտնել էր ցանկութիւն այս գործին միջամտել: Սյդ հարցը ոչ նոցա բանն է, ոչ էլ իմն. ես տտում եմ այն գարշիւն ախար, որ հեաարբքութիւն է կոչվում. բայց եթէ կայ մի բան, ուր չկայ ինձ հաւասար, այդ բարեկամներխտան մէջ խաղաղութիւն մայնելն է, նամանաւանդ, որ ինքս ազատ եմ ամեն ընտանեկան հոգսերից:

XXIV.

Եւ ահա լի ամենամարդու ձգտումներով՝ ես ծառայութիւնս առաջարկելի վերջ գնել նոցա երկպառակու-

Դոն-Ժուան.

(5187-55)



Թեանը, բայց, աւանդ, ընդունելութիւնը բարեկամական չէր. սատանան էր, երևի, մտել նոցա մէջ, որովհետև երբէք ինձ չէր յաջողում նոցա տանը գտնել. ճշմարիտ է, դռնապանը վերջը ինձ յայտնեց. . . Է՛հ, ինչո՞ւ յիշել. բայց ամենից վատը այն էր, որ մի օր փոքրիկ Ժուանը, չըզգուշացնելով, դիտիս վերայ թափեց մի ինչ որ կեղտոտ ջուր:

XXV.

Փոքրիկ Ժուանը մի չար աղայ էր դանդուր մաղերով, մի աւազակ, մի խորամանկ կապիկ հէնց ծնած օրից. նորա ծնողները եթէ մի բանում հաշտ էին, — այդ փոքրիկին երես տալու գործում. եթէ նոքա աւելի խորամիտ լինէին՝ փոխանակ վիճելու և կռուելու, կ'ուզարկէին փոքրիկին դպրոց, կամ մարակի համը կ'իմացնէին՝ կեանքի հետ աւելի սերտ ծանօթացնելու:

XXVI.

Տխուր էր անցնում ամուսինների կեանքը. ապահարզան էին փափաղում նոքա, թէ մէկը միւսի մահին էր սպասում, — յայտնի չէ, թէ և արտաքուստ նոքա ձեւացնում էին մի հաշտ և սիրալիր ամուսնական զոյգ, ինչպէս պէտք է անել ամեն *comme il faut* մարդկանց. բայց, դժբախտաբար, կրակը, որ ըստ երևոյթին հանդած էր, բորբոքուեց մի օր և այնպէս, որ այլ ևս չմնաց ոչ մի կասկած գործի էութեան մասին:

XXVII.

Ինեցը մի գեղեցիկ օր հրաւիրում է իւր մօտ գեղադործներին և բժշկապետներին և սիսում է պնդել, որ նորա

խեղճ մարդը յնորուել է¹. բայց որովհետև Խօղէի խոհականութիւնը յաճախ էր պարզ երևում, վերջը նա բաւական համարեց յայտնել միայն, որ նորա ամուսինը մի չար սրտի տէր է. իսկ երբ նորանից ապացոյցներ պահանջեցին, չըկարողացաւ և ոչ մէկը տալ: Սյնու ամենայնիւ Ինեցը կրկնում էր, որ այս էր իսկ պահանջում նորա պարտքը Աստուծոյ և մերձաւորների առաջ. վերջին խօսքերը տարօրինակ երևեցան:

XXVIII.

Նա մի յիշատակարան ունէր, ուր զրած էին Դոն-Խօղէի բոլոր մեղքերը. նա ցոյց տուեց մի քանի երեսներ, կարգաց մի քանի նամակներ, որ պարզ ապացուցանում էին ամուսնու յանցաւորութիւնը. «վերջապէս, վկայ է ամբողջ քաղաքը, և վկայ անհրեքելի՝ նորա մեծ մայրը» (որի զլուխը փողուց էր խառնուել): Նոքա, որոնք բախտ ունեցան լսել անմիջապէս այս ապացոյցները, կրկնեցին քաղաքում, սկզբում պաշտպան նորան լինելով, իսկ յետոյ քննիչ և դատաւոր. ոմանք զբաղուելու համար, ոմանք իրանց հինաւուրց վրէժը հանելու:

XXIX.

Եւ այս կինը — օրինակ քաղցրութեան և բարեսրտութեան — այնպիսի համբերութեամբ տարաւ իւր ընտանեկան խաչը, ինչպէս Սպարտացի կանայքը, որոնք ամուսինների մահուան լուրը լսելով, ազնիւ երգում էին տալիս այլ ևս չըյիշել նոցա անունները: Ինեցը այնքան անվերջով էր ձեռնում, երբ նորա ականջին հասնում էին Դ.

¹ Լեդի Բայրընը մի նամակում խոստովանում է Թովմաս Մուրին, որ նորա ամուսինը յնորուածի ապաւորութիւն է թողնում:

Խօղէի մասին քաղաքում տարածուած լուրերը, և այն-
քան քաջ և ազնիւ էր տանում իւր ախուր վիճակի, որ
ամենքը զարմացած բացականչում էին. «ի՛նչ մեծահո-
գութիւն»:

XXX.

Այս, փիլիսոփայական է, անշուշտ, այն սառնասոր-
տութիւնը, որով մեր նախկին բարեկամները լուռ համ-
բերում են, երբ աշխարհը թափում է մեր վերայ իւր ա-
նէճքն ու նզովը: Քաղցր է մեծահոգի ձեանալ, երբ մա-
նաւանդ մարդս հասել է իւր գաղանի ձգտումներին. և
իրաւ, բարեմիտ մարդը մեղաւոր չէ, ոչ պատասխանատու
այն բանի համար, որին օրէնսդէտները կ'անն *malus ani-*
mus. վրէժխնդրութիւնը, ՚ի հարկէ, առաքինութեան գործ
չէ. բայց ուրիշ ի՛նչ անել, եթէ ձեզ վիրաւորում են.
Իմացէ՛ք միայն, այս ղէպքում մեղաւորը ես չեմ:

XXXI.

Եւ ապա եթէ մեր ընտանեկան երկպառակութիւնը
յարուցանում է զբացի կանանց մէջ հազար ու մէկ փո-
շով ծածկած զրոյցներ, զարդարած երկու-երեք նոր ստու-
թիւններով, իրաւունք ունէ՞ք ինձ մեղադրել, կամ մի ու-
րիշին. այս զրոյցները սովորաբար ստացել են արդէն պատ-
մութեան վիճակ և յետոյ, տարօրինակ և բարեխրատ ե-
րեոյթ, — նոքա շատ անգամ փոխանակ ստուեր ձգելու
մեր վերայ, աւելի ևս մեզ վերադասում են հասարակու-
թեան կարծիքում, իսկ վերջինը մեր ամենօրեայ փափազն
է. ես կարծում եմ, որ զխաութիւնն էլ կարող է օգտուել
մեր այս վերանորոգմամբ. լոյս տեսնող խայտառակու-
թիւնները ներկայացնում են մի հետաքրքիր նիւթ գա-
տաստանական քննութեան համար:

XXXII.

Սմուսիների բարեկամները փորձեցին նոցա հաշտեց-
նել ճնողներն էլ կամեցան իրանց կողմից միջամտել, բայց,
աւանդ, նոքա գործին տուին աւելի վառ ընթացք (զը-
ժուար է որոշել, ո՞ւմ է պատկանում հաշտարարի դերը
այս տեսակ ղէպքերում.) ինչ ինձ է վերաբերում, հազի-
թէ կարող եմ բարեմիտ լինել՝ թէ ղէպի մանրիմները,
թէ ղէպի ճնողները: Իրաւաբանները բոլոր ջանք գործ
զրին պտակը լուծելու, բայց, դժբախտաբար, Դոն-Խօղէն
մեռաւ, երբ նոքա ղեռ նոր էին ստացել մի փոքրիկ գու-
մար դատաստանի առաջիկայ ծախսերի համար:

XXXIII.

Մեռաւ նա, և ափսոս, որ մեռաւ, ասում եմ՝ ես, ո-
րովհետեւ այն լուրերից, որ ես կարողացայ քաղել դա-
տաստանական գործերում հմուտ մարդկանցից (թէպէտեւ
վերոյիշեալ մարդիկ սիրում են գործ ածել մութ և կաս-
կածելի դարձուածներ), երեւում էր, որ Խօղէի մահը մեզ
զրկեց մի զարմանալի դատաստանական գործից: Պէտք է
նոյնպէս խղճալ և հասարակութեան զիւրազգացութիւնը,
որ այս ղէպքում պիտի վառ փայլէր:

XXXIV.

Բայց, աւանդ, նա մեռաւ, և նորա հետ թաղուեցաւ
փաստաբանների արդիւնքը և հասարակութեան զգայ-
մունքի արտայայտութիւնը. սուներ ծախուեցաւ, ծառա-
ները արձակուեցան, նորա երկու սիրականներից մինը
հրէպի ծանկը ընկաւ, իսկ միւսով զբաղուեց մի հողերա-
կան, — այդպէս են զոնեայ, ամենքը պատմում: Ես հարցրի

բժշկից, ի՞նչ հիւանդութիւնից մեռաւ Դոն-Խօզէն. նա մեռաւ երեքօրեայ ջերմից, և թողեց մի այրի խորին ատելութեան մէջ»:

XXXV.

Սյնու ամենայնիւ մի պատուելի մարդ էր Դոն-Խօզէն. ես կարող եմ այս պնդել, որովհետեւ լաւ էի ճանաչում նորան. էլ չեմ յիշելու նորա միւս պակասութիւնները, որոնց թիւը հազիւ թէ հնար կայ աւելայնել. եթէ կրքերից զրդուած, նա երբեմն չափից անցնում էր և եթէ՝ նորա բնատուրութիւնը այնքան էլ պարզ և խաղաղ չէր, որքան նուամայինը (կոչուած նոյնպէս Պոմպիլիոս), կարելի է ասել, նորան արդարացնելու, որ Դոն-Խօզէի կրթութիւնը սկզբից վատ էր ուղղուած և որ նա ի ծնէ մի քիչ մաղձոտ էր:

XXXVI.

Ինչ և չլինէին նորա արժանիքը կամ պակասութիւնները, խեղճ մարդ, նա էլ ունէր ցաւեր, պէտք է խոստովանել նամանաւանդ, որ սա ոչ լաւ, ոչ վատ հետեանք է ունենալու: Յաւալի էր այն վայրկեանը, երբ Դոն-Խօզէն տեսաւ, որ բնաանեկան բարեկեցութեան հրահող աստուածները զեանատապալ հղան, և նա զրկուեց ամուսնական սիրոյ քաղցր յարաբերութիւններից. բաւական չէ այդ, նորան, որ այնքան պատուարժան և զգայուն բնութեան տէր էր, նորան մնում էր երկուսից մէկը ընտրել՝ կամ մահ, կամ կղերականների պատուելի ժողով¹, և նա մեռաւ:

¹ Doctor commons—ժողով, որի մի մասը, կազմուած կղերականներից, զբաղուած է լոկ սպանարզանի հարցերով:

XXXVII.

Եւ որովհետեւ Դոն-Խօզէն անկասկ մեռաւ, ժուանը մնաց միակ ժառանգը նորա աների և կայուածների, որոնք ժուանի երկար պատանեկութեան ժամանակ հմուտ կառավարչի ձեռքի տակ կարող էին մեծ արդիւնք բերել: Ինեցը եղաւ նորա խնամատարը,— այդ դերը անշուշտ նորան էր պատկանում, մայրական իրաւանց և բնութեան օրէնքների կողմից: Միակ արու զաւակ, սնած այրի կնոջ ձեռքում, միշտ աւելի բարձր ուղղութիւն պիտի սանայ, քան թէ մի ուրիշը¹:

XXXVIII.

Ինեցը, որ աննման էր կանանց մէջ սա. հասարակ, և այրիների մասնաւորապէս, վճռեց ժուանին կրթել որպէս մի կատարեալ ասպետ, արժանի նորա բարձր և ազնիւ ծագման (նորա հայրը Կաստիլիացի էր, մայրը Սրազոնցի): Նա ձգտում էր տալ որդուն ասպետների բոլոր քանքարները այն մտքով, որ «արքայն մեր աչքը» կարող է մի օր ՚ի ուղղմ հրաւիրել նորան. և ահա նորան ծանօթացրին ձիավարութեան, մենամարտութեան և հրաձգութեան արուեստների հետ. նորան նոյնպէս սովորեցրին, թէ ինչպէս պէտք է ձի հսկած ամրոյներ կամ կուսանոցներ նուաճել:

¹ «Երբեմն ես մտածում էի մի տարօրինակ հանգամանքի մասին—իմ դուստրս, արեւակից բոյրս, մայրս, բրոջ մայրը և ես ինքս—ամենքս էլ եղել ենք միակ դաւակներ, այս միակ դաւակների շարքը տարօրինակ և օրհասական երևոյթ է. յայտնի է, որ ամենակատաղի զազանները շատ քիչ են ձագեր բերում, օրինակ՝ առիւծը, վագրը, փիղը ևայլն»: Բայրըն:— ² El rey nuestro senor.

XXXIX.

Սակայն կար մի բան, որին Դոննա-Ինեցը խիստ էր հետևում և հսկում ամեն օր, ամեն ժամ, զեռ առաջ քան որդու համար վարձած զիանականները սկսան յաճախել նորա տունը: Ինեցի փափագն էր, որ ժուանի դաստիարակութիւնը սկզբից մինչև վերջը բարոյական լինի. և ահա նա ինքը ծանօթանում է բոլոր դասերի հետ, այնպէս որ ուսուցիչները, նախ քան դաս տալ որդուն, զիմում էին մօրը՝ թոյլաութիւն ստանալու. և ի՞նչ ասես, արուեստներ, ի՞նչ ասես, զիտութիւններ ուսումնասիրեց ժուանը, մի խօսքով ամեն բան, բացի բնական պատմութիւնից:

XL.

Եւ ահա նա հմուտ եղաւ բոլոր լեզուներում և մանաւանդ մեռած, հմուտ զիտութիւններում, մանաւանդ վերայական, հմուտ արուեստներում, այսինքն՝ այն, որոնք առօրեայ հասարակական նշանակութիւն չունեն: Վերջապէս, ժուանի անմեղութիւնը պահպանելու համար, նորա ձեռքը երբէք չէին յանձնում որ և իցէ ազատամիտ գրբուածք մարդկային սեռի բաղմանալու խնդրին վերաբերեալ:

XLI.

Մեծ դժուարութիւն էին պատճառում կլասսիկական հեղինակութիւնները, լի սիրոյ արկածներով այն աստուածների և զիցուհիների, որ աշխարհիս առաջին դարերում այնքան ազմուկ պատճառեցին և որոնք երբէք հաղած չէին եղել ոչ վարտիկ, ոչ կորսետ: Պատուելի դաստիա-

րակները յաճախ ենթարկվում էին նկատողութեան և երբեմն ստիպուած էին լինում պաշտպանողական զիրք բռնել յօգուտ Ենէականի, Եղիականի, Ուրիստէի... Դոննա Ինեցը երկիւղ էր կրում առասպելաբանութիւնից:

XLII.

Օվիդիոսը մի լիտի հեղինակ է, ապացոյց—նորա բանաստեղծութիւնների մեծ մասը. Անակրէճոնի բարոյականութիւնը՝ աւելի ևս վատթար է. Կատուլլը—խոհմութեան հետ սաստիկ կռուի մէջ է, չեմ կարծում, որ Սաֆօի օգաները լաւ օրինակ ներկայացնէին, թէպէտև. Լոնգինը հաւատացնում է, որ նորա շատ ողևորիչ են և վսեմ: Մնում են միայն Վերգիլիոսի անբիժ երգերը, բացի այն սարսափելի կտորից, որ սկսվում է Formosum pastor Corydon խօսքերով:

XLIII.

Լուկրեցիոսի աստուածուբայութիւնը շատ խիստ է, որ երիտասարդ ստամբար կարողանայ քաղել նորանից պիտանի հիւթեր. և թէպէտ Իւվենալի նպատակը զօվասանքի է արժանի, բայց չեմ կարող չխոստովանել, որ նորա բացարձակ տողերը խստութեան են հասնում: Եւ ի՞նչ պատուելի մարդը կարող է սիրել Մարցիալի զազրելի էպիգրամ մները:

¹ Սյուրինակ հրատարակութիւններ իրաւ որ եղել են, այժմ էլ կարելի է գտնել օրինակներ, ուր Մարցիալի անվայել էպիգրամները հաւարուած են յաւելուածում:

Janee

XLIV.

Ժուանը կարգաց նոցա ամենայարմար օրինակներում, հրատարակուած հմուտ գիտնականների ձեռքով, որոնք զգուշութեամբ դուրս էին ձգել բոլոր փոքր ի շատէ անբարոյական հատուածները: Թէպէտե միւս կողմից, չկամենալով չափից դուրս աղաւաղել համեստ հեղինակներին մտքերը, կամ թէ յաւելլով նոցա այլանպակուած գրուածներին համար, այս պարոնները աշխատանք էին դրել քաղուածները մի տեղում ղետեղել և սորա շնորհիւ վերոյիշեալ տողերը աւելի ևս զլւրամատչելի են դարձեր:

XLV.

Եւ ահա բոլոր այս անբարոյական էպիգրամները հաւարուած են մի տեղում, զբքի այս և այն էջերի մէջ յրուած լինելու փոխանակ և շարած են կանոնաւոր կերպով երիտասարդութեան միտքը շփոթեցնելու, այնպէս որ պիտի գանուի մի ուրիշ հրատարակիչ՝ աւելի մեղմ բնուորութեամբ, որ կրկին տեղաւորէ նոցա, ուր պէտք է, որովհետեւ այս կանոնաւոր շարած տողերը աւելի ևս անամօթ են երևում, քան պարտիզում դարսած ասուածներին արձանները:

XLVI.

Միսեյը (ընտանեկան Միսեյը) զարգարած էր, ինչպէս և բոլոր աղօթադրքերը, ամեն տեսակ կողիտ պատկերներով. զարմանում եմ, ինչպէս մարդս կարող է աղօթքի խօսքերը ըմբռնել, աչքի առաջ ունենալով զբրում նկարած պատկերներ, որոնք ներկայացնում են սրբերին «խաղաղութեան» համբոյրը միմեանց մատուցանելու

ժամանակ. այս ևս չգիտեմ, բայց Ժուանի մայրը մի օր պահեց վերոյիշեալ Միսեյը, ընծայելով որդուն մի ուրիշ դիւք:

XLVII.

Ժուանը կարգում էր քարոզներ, սեպհական նորա համար գրած, կարգում էր հրահանգներ և սրբերի կենսադուրթիւններ: Նորա համար սովորութիւն էր դարձել խորհրդածել սուրբ Երեմիայի և Ոսկեբերանի վերայ և նա չէր գանում ոչինչ ծանրութիւն այս տեսակ պարսպմունքներում: Իսկ ես կարծում եմ, եթէ մէկը կամենում է ստոյգ ճանաչել, թէ ի՞նչպէս են հաւատը ձեռք բերում և ապա նորան պահպանում, նա անպատճառ պիտի դիմի ոչ վերոյիշեալ սրբերին, այլ սուրբ Օդոստինոսին, որ իւր զեղեցիկի «Խոստովանութեան» մէջ սովորում է ընթերցողին իւր սխալանքներին անգամ նախանձել:

XLVIII.

Եւ ահա ինչու այս զիրքը միշտ փակած էր Ժուանի համար: Պիտի խոստովանեմ, որ նորա մայրը իրաւացի էր, եթէ միայն լաւ է... այս տեսակ կրթութիւնը. շատ սակաւ էր պատահում, որ Ինչըր աչքի տակից թողնէր երեխային. նորա նաժիշաները պատաւ կանայք էին, և եթէ նա վարձում էր մի նորը, վտառհ կարող էիք լինել, որ վերջինը սարսափելի կերպարանքի տէր պիտի լինէր: Սյս սովորութիւնը նա ունէր զեւ իւր ամուսնու կենդանութեան ժամանակ, և ես խորհուրդ կըրամ անել այս ամեն մի խեղացի աիկնոջ:

XLIX.

Ահա այսպէս էր մեծանում փոքրիկ ժուանը, օրէ ցօր ամրանալով բարեպաշտութեան և երկիւղածութեան մէջ: Վեց տարեկան հասակում նա մի չքնաղ երեխայ էր, սասն և մէկում խոստանում էր արդէն կատարեալ գեղեցկութեան ազամարդ դառնալ. նա սովորում էր եռանդով, ցոյց էր տալիս յառաջադիմութիւն, և, ըստ երևոյթին, ընթանում էր այն շաւղով, որ տանում է անմիջապէս դէպի երկինք, որովհետեւ օրուայ կէսը նա անց էր կացնում եկեղեցում, իսկ միւսը՝ գաստիարաններէ, խոստովանահօր և իւր մօր հետ:

L.

Վեց տարեկան հասակում, ասացի ես, նա մի գրաւիչ երեխայ էր, տասն երկուսում՝ գեղեցիկ աղայ և համեստութեան կատարեալ օրինակ. և որովհետեւ ժուանը ՚ի ծնէ աշխոյժ երեխայ էր, շրջապատող սրբակրօն մարդիկ շապեցին սանձել նորա վառ բնաւորութիւնը—և զուր չմնաց նոցա աշխատանքը. ահա ինչու Գոննա-Ինեցը իրաւունք ունէր պարծենալ իւր զաւակով, կրկնելով ամեն անգ, որ նորա փոքրիկ փիլիսոփան խելօք, համեստ և ժրաջան երեխայ է:

LI.

Սակայն ինձ տանջում է մի բան, որից ազատուել ես չնաւին չեմ կարող. այն, ինչ որ կամենում եմ տեսլ, ոչ այս է, ոչ այն. ես ճանաչում էի նորա հօրը և երբէք չեմ սխալուում, երբ որեւէ կարծիք եմ յայտնում... Թէպէտեւ լաւ չէ դատել որդուն հօր բարբը աչքի առաջ

ուսննալով... Գոն-Խօղէն և նորա կինը այնքան էլ հաւան չէին միմեանց... ես ասում եմ բամբասանք... չէ, ճշմարիտ, որ ես թշնամի եմ երկղիմի խօսքերին, թէև ժպիտով համեմած:

LII.

Ես ոչինչ չեմ ասում, հաւատացէք, ոչինչ... բայց, արեւս վկայ, խոստովանեցէք... ես ունեմ իմ պատճառները... այո, եթէ ինձ վիճակուած լինէր կրթել մի որդի (և փառք Աստուծոյ, ես որդի չունեմ), ես չէի նստեցնիլ նորան Ինեցի հետ հաւատապատումը սովորելու... ոչ... ես կ'ուզարկէի նորան դպրոց, ուր ձեռք բերէ բոլոր խմացածս:

LIII.

Միայն դպրոցում կարելի է սովորել... չկարծէք, որ ես պարծենալու եմ զիտութիւններովս... նոցա մասին ես չեմ խօսելու, ոչ էլ յունարէնի, որ մոռացած եմ վաղուց. ես ասում եմ միայն, որ դպրոցում, ոչ ուրիշ անգ... բայց verbunsat... ես կարծում եմ, որ այնտեղ ճանաչեցի, ինչպէս և ամենքդ, մի քանի բաներ... էհ, թողնենք... Ամուսին չեմ եղած... այնու ամենայնիւ կարծում եմ, նաև համոզուած եմ, որ ժուանի կրթութիւնը օրինակելի չէ:

LIV.

Ժուանը մտաւ տասն և վեցերորդ տարին. նա հասակով էր, գեղեցիկ, մի քիչ նուրբ, բայց շատ լաւ կալմուած, մի զուարթ երիտասարդ, բայց ոչ այնքան, որքան

զուարթ են արքունական մանկյաւիկները: Ամենքը, բացի մօրից, տեսնում էին նորա մէջ հասունացած մի մարդ, սակայն եթէ մէկին պատահէր այդ կարծիքը մօր առաջ յայտնել, Դոննա-Ինեցը այնպէս էր կատաղում, որ ազազակը զսպելու համար շրթունքներն էր կծում, որովհետեւ, նորա կարծիքով, ժամանակից առաջ զարգանալը՝ մի աններելի յանցանք է:

LV.

Նորա բազմաթիւ ծանօթների մէջ ամենքը ընտիր էին, թէ իրանց պարկեշտութեամբ, թէ եղկիւղածութեամբ կար մի անձնաւորութիւն Դոննա-Ջուլիա անունով: Գեղեցիկ, խօսքս շատ թոյլ է արայայտում նորա հազար ու մէկ հրապոյրքը, որոնք բնական էին նորա մէջ այնքան, որքան բուրմունքը բնական են ծաղիկներին, աղը՝ Ուլկիա-Նոսին, չքնաղութեան գօտին՝ Անահային, սիրոյ աղեղը՝ Կուպիդոնին (վերջին նամանորութիւնը հնացած է մի քիչ և բթամիտ):

LVI.

Ջուլիայի նախնիքը ազգութեամբ Մարբ էին և նոյնից նա ժառանգեց իւր սե և փայլուն հարաւային աչիքը. ուրմն՝ նորա արիւնը մաքուր սպանիացեոյ արիւն չէր. այդ երկրում, ամենքդ գիտէք, այս հանդամանքը մի բիծ է կազմում. երբ գոռոզ Գրենադան նուաձեցաւ և արտասուալից Բօաբոլիլը՝ ստիպուած էր փախչել, Դոննա Ջուլիայի նախնիների մի մասը հեռացաւ Աֆրիկա, միւսը մնաց Սպանիայում և սոցա թւում էր նորա մեծ մօր աատի տատը:

¹ Գրենադայի վերջին Թագաւոր:

LVII.

Նա ամուսնացաւ մէկ ճիւղալոօի-հետ (սորա տոհմազրութիւնը ես մի քիչ մոռացել եմ), վերջինը կտակեց իւր սերնդին արիւն, որ այնքան մաքուր չէր, որքան անխառն էր նորա երակների արիւնը: Վերոյիշեալ ամուսնութիւնը սոտաիկ զայրացրեց նորա ազգականներին, որովհետեւ այս հարցի մէջ նոքա այնքան խիստ էին, որ յաճախ իրենց շրջանի մէջ՝ էին պտակի լուծը կապում, և ոմանք նոցանից ամուսնութեան էին առնում իրենց խորթ քոյրերին, մօրաքոյրերին, թոռներին մինչև անգամ: Մի չափազանց վատ սովորութիւն, որ ստորացնում է տոհմը, եթէ վերջինը շարունակում է բազմանալ:

LVIII.

Այս հեթանոսական ամուսնութեան պատճառով ճիւղալոօի սերունդը վերանորոգուեց և թէպէտ արեան աղնութիւնը նուազեց մի քիչ, միւս կողմից նոյն հանգամանքը ի նպաստ եղաւ մարմնական գեղեցկութեան, այնպէս որ հին Սպանիայի ամենաստորին ճիւղից՝ առաջ եկան որքան գեղեցիկ, նոյնքան էլ թարմ պտուղներ. և նոր սերնդի մէջ այլ ևս չէին պատահում կարծահասակ արու և անտաշ էգ զաւակներ: Սակայն ժամանակ է վերջ դնել հասարակութեան մէջ տարածուած զրոյցներին. առտում են՝ թէ Դոննա-Ջուլիայի նախամայրը ընծայեց իւր ամուսնուն աւելի սպօրինի զաւակներ, քան թէ օրինաւոր:

LIX.

Ինչ որ է, վերոյիշեալ տոհմը շարունակում էր աճել, բազմանալ և կատարելագործուել մինչև այն ժամա-

նակ, երբ մնաց մի արու գաւակ, որին ժառանգեց նորա միակ զուարթը. այժմ դժուար չէ հասկանալ, ուր եմ խօսքս տանում. վերջինը անշուշտ Գոննա-Ջուլիան պիտի լինի, որի մասին շատ բան ունեմ տեսլու: Նա չքնաղ էր, ամուսնական լուծով զարդարած, անարատ և քսաներեք տարեկան:

LX.

Նորա աչերը (ան, մինչ ի ցնոր սիրում եմ զեղեցիկ աչեր), նորա սև և խոշոր աչերը մի ինչ որ քնքոյշ և մեղմ լոյս էին արձակում, երբ նա լուռ էր և անդորր, և կրակի նման էին վառվում, ներշնչելով երկիւղ, չէ, անշուշտ, հիացք աւելի, երբ նա սկսում էր խօսել. բայց այդ աչերի մէջ դուք կընկատէիք աւելի սիրոյ բորբոք, քան մի ուրիշ զգացմունք, դուք կընկատէիք մի բան, որ, անշուշտ իդձ չէր, ոչ, բայց կարող էր իդձ դառնալ, եթէ նորա անարատ հոգին չգտներ սրտի զգացմունքը:

LXI.

Նորա սև մազերը իջնում էին գանգուրներով մեղմ և զեղեցիկ ճակատի վերայ, որի նմանը դժուար էր գրանել. նորա յօնքերը աղեղնաձև էին, իսկ այտերը թարմ և այնքան թափանցիկ, որ երբեմն կրակի նման բորբոքում էին: Մի խօսքով, լեզուս պակաս է նկարագրելու նորա զեղեցիութիւնը. նա բարձրահասակ էր. չեմ սիրում մանրահասակ կանանց:

LXII.

Նորա ամուսինը յիսուն տարեկան էր. այս հասակի ամուսինները հազուադիւս չեն. և ևս կարծում եմ, որ

աւելի լու է ունենալ երկու ամուսին քսանհինգ տարեկան, քան թէ մէկը վերջիշեալ հասակի, մանաւանդ այն աշխարհներում, որոնք աւելի մօտ են արեգակին: Այժմ միտքս է ընկնում, *mi vien in mente*, որ ամենաանարատ արկիկները անդամ առաւելութիւն են տալիս այն աղամարդկանց, որոնք գեռ չեն հասել իրենց երեսնամեակին:

LXIII.

Սա մի ախար երեւոյթ է, պէտք է խոստովանել, և մեզքի բոլոր զօրութիւնը ընկնում է արևի վերայ, որ չէ թողնում անդորր մեր դժբախտ մարմինը, այլ այրում է մեզ և սոչորում մինչև այն աստիճան, որ սախարած ենք լինում մեզքերը քաւելու՝ երբեմն աղօթքի և պահքի կանգնել, «զի մարմինը սկար է, իսկ հոգին սխալական»: Այն, ինչ որ մարդիկ ստում են՝ բարեկրթութիւն, իսկ երկինքը՝ պոսնիութիւն, աւելի յաճախ պատահում է հարաւային կլիմայում:

LXIV.

Բախտաւոր ազգեր հիւսիսային կլիմայի, որ բարոյական է, այնտեղ է ծագում առաքինութիւնը և ձմեռուայ սառնամանիք տարադրում են մեզքը, որ յրախց սառած; մերկ և ամթապարտ փախչում է մարդուց. (ձիւնը չէր, որ խելքի բերեց սուրբ Սնատնիոսին): Երջանիկ են այն ազգերը, որոնց գառաւորները կնոջ անպատուութեան փոխարէն սուղանք են որոշում սիրականին և վերջինը «ի ձեռն պատուաւոր զումարի» ազատվում է պատժից, որովհետև այդ երկրներում պոսնիութեան զինը ունի իւր ելևէջը, ինչպէս արժէթղթերը բորսայում:

LXV.

Ջուլիայի մարդը կոչվում էր Ալֆոնսո. նորա արտաքին գեմբը՝ տարիքից աւելի աջողակ էր երևում: Եթէ կինը նորան չէր սիրում, կարելի է հաստատաւ ասել, որ չէր էլ ատում: Նորա ապրում էին միասին, ինչպէս ապրում է մեծամասնութիւնը, համբերելով միմեանց թերութիւններին և չկազմելով ոչ մի մարմին, ոչ էլ երկու: Մի և նոյն ժամանակ Ալֆոնսոն վերին աստիճանի խանութաւ էր, թէպէտ արտաքուստ նա այդ չէր յոյց ստիտ. արդարև, սիրոյ խանդը այն զգայմունքներից չէ, որոնց վայել է հրապարակ հանել:

LXVI.

Ինձ համար այնպէս էլ անբացատրելի մնաց Ինեյի և Ջուլիայի սերա մտերմութիւնը. հաղիւ թէ նոցա բնաւորութիւնները միասեռակ լինէին—Ջուլիան իւր կեանքում զրիչ ձեռք չէր առած: Կան մարդիկ, որոնք ծածուկ խօսում են... սակայն, ոչ, անշուշտ, ստում են նորա, յայտնի չէ, որ չար լեզուները ամենուրեք տեսնում են անառակութիւն. ասում են թէ՛ Իոն-Ալֆոնսի ամուսնութիւնից առաջ Ինեյը մոռացել էր նորա հետ իւր սովորական զգուշութիւնը:

LXVII.

Միշտ պահպանելով հին մտերմութիւնը, որ ժամանակի շնորհիւ աւելի մաքուր ընթացք էր ստացել—այդպէս են դոնեայ ամենքը ասում,— Ինեյը նոյնքան էլ ջերմ սիրեց Ջուլիային (կարճ էր նա անել մի աւելի լաւ բան), ամենելով նորան իւր հովանաւորութեան տակ, և

սակաւ չէր պատահում լսել Ինեյին Իոն-Ալֆոնսի նաւոր ճաշակը զովիւրեց: Այս տեսակ վարմունքով նա թէպէտև չկարողացաւ խաղառ վերջ գնել բամբասանքներին, բայց և այնպէս նորան յաջողեց չարախօսութեան նիւթը սահմանափակել:

LXVIII.

Ձեմ կարող հաստատաւ ասել՝ թէ ինչպէս էր Ջուլիան դիտում իրողութիւնը. նկատմօ՞՞ էր մի բան, թէ չէ, նա այնպիսի զիրք բռնեց, որ ոչ ոք էլ այդ չիմացաւ: Կարելի է, որ իրաւ, նա ոչինչ չլիտեր, կամ թէ զիտեր, բայց պատահածին զին չէր ընծայում թէ՛ ընտելացած լինելով այս մտքի հետ, թէ իւր անտարբեր բնաւորութեան պատճառով: Այնքան ճարպիկ էր Ջուլիան ծածկամութեան արուեստում, որ իրաւ ես շատ զժուարանում եմ որ և իցէ կարծիք յայտնել այս բանի մասին:

LXIX.

Ջուլիան երբեմն պատահում էր ժուանին և սիրում էր փայփայել այդ չքնաղ երեխային. ի հարկէ, փաստ չկայ սորանում. կըզանէիք արդեօք աւելի անմեղ զոյգ, ինչպէս այն զոյգը, որ պատկերացնում էին քսան տարեկան Ջուլիան և տասներեք տարեկան ժուանը: Բայց, հոգիս վկայ է, զմայլութեան ժպիտը երեսիցս թռաւ, կրք ժուանին խփեց տասնվեց տարին, իսկ Ջուլիային քսաներեք բաւական են մի քանի տարիներ, որ մեծ փոփոխութիւններ պատահին, նամանաւանդ հարաւային աշխարհներում:

LXX.

Բայց և այնպէս, Ջուլիայի և ժուանի յարաբերութիւնների ձեւը փոխուեցաւ. աիկինը պահում էր իրան ա-

ւելի զգոյշ, երիտասարդը աւելի ևս քաշվում, երկուսն էլ աչքերը խոնարհեցնում էին: Լուսթիւն էր տիրում, երբ պատահում էին միմեանց, թէպէտե նոցա հայեացքը մեծ շփոթ էր արտայայտում: Կան մարդիկ, որոնք զրեթէ ստոյգ զիանն, որ Ջուլիան լաւ էր ծանօթ գործի զրութեան հետ և միայն անփորձ ժուանը այնքան հեռու էր բանի էութիւնից, որքան այն մարդը, որ Ովկիանոսը չուեսած ձգտէր նորա մասին գաղափար կազմել:

LXXI.

Այնու ամենայնիւ Դոննա-Ջուլիայի սառ վարմունքի մէջ ցոլում էր մի ինչ որ բարեհաճութիւն. նորա ձեռքը զողողալով էր հեռանում երիտասարդի ձեռքից, առաջադոյն սեղմելով, և վերջինը այնքան քնքոյշ էր և քաղցր, որ ամեն անգամ ժուանը շփոթվում էր ստատիկ: Ես կարծում եմ, Արմիլայի ձողը այն ազդեցութիւնը չունէր, որ գործում էր ժուանի վերայ Ջուլիայի անմեղ ձեռքը:

LXXII.

Եւ այնուհետեւ, երբ նորա պատահում էին, էլ չէր ժպտում չքնաղ Ջուլիան. բայց նորա տիրազին հայեացքը աւելի հրապուրիչ էր, քան ժպիտը, կարծես, նորա բոբբոբուած սիրտը պահում էր իւր մէջ շատ գաղանի ըզձեր, որոնց երեան հանել նա չէր համարձակվում:— Սնմեղութիւնն էլ ունի իւր փոքրիկ խորամանկութիւնները և հազիւ թէ կարող է միշտ բացարձակ հանդիսանալ. սէրը բերում է իւր հետ ծածկամտութիւն:

LXXIII.

Բայց իզուր կրքերը ծածկվում են խաւարի քողով, խաւարը իսկ նպաստում է նոցա արտայայտութեան և որպէս մուսլ երկինքը մասնում է իրան, գուշակելով մեզ սաստիկ փոթորիկ, այնպէս էլ աչքերը մասնում են մարդուն, այն աչքերը, որոնք պիտի հսկեն մեզ վերայ: Երեսի զիմակը վայր է ընկնում և մնում է միայն մերկ իրողութիւնը.— անտարբերութիւն, զայրոյթ, առեղութիւն կամ արհամարհանք և այլ զգացմունքներ զրեթէ անհնարին է ծածկել աշխարհից:

LXXIV.

Ապա լուսեցան մեզմ հառաչանքներ, որոնց վատ էին քողարկում, թէպէտե երկուսն էլ աշխատում էին իրենց զգացմունքը զսպել. սպա հայեացքներ, որոնք ըստանում էին մի առանձին քաղցրութիւն՝ գաղափարի լինելով. տեսութեան ժամանակ երկուսն էլ կարմրում էին, թէպէտե ոչ մէկի վերայ ծանր մեղք չկար. երբ մնում էին մենակ, սկսում էին զողզողալ ոտից մինչև գլուխ և տխրութիւն էր պատում, երբ անջատվում էին միմեանցից: Ահա այս տեսակ է լինում այն փոքրիկ նստերգանքը, որ սպազայում աւետում է երջանիկ օրեր: Եւ, աւանդ, այս ամենը սպառնաց չէ երկիւղի և այն զբաւարութիւնների, որ բերում է սէրը, երբ մի թարմ և անփորձ հոգի է վարակում:

LXXV.

Մի անսովոր զրութեան մէջ էր խեղճ Դոննա-Ջուլիան. նա զգում էր, որ սիրտը մասնում է նորան և եր-

զում էր սալիս բոլոր ջանքը դորձ վնել իւր ամուսնու պատիւը փրկելու: Նա օղնութեան էր հրաւիրում իւր պատիւը, ինքնասիրութիւնը, կրօնը և առաքինութիւնը. մի խօսքով՝ նորա մտքերի ազնուութիւնը կարող էր մինչև անգամ յանդուզն ճարկվինիոսի գութը շարժել. և արտասուլից նա զիմում էր Սուրբ Կուսի միջնորդութեան, որ միայն կարող է փարատել կնոջ սրտի ցաւերը:

LXXVI.

Մի երեկոյ նա վճռեց էլ չտեսնուել ժուանի հետ և միւս օրը գնաց նորա մօրը այցելութեան: Դուռը բացվում է, Զուլիան յուզուած սպասում է նորա առաջ— փնփռք Սուրբ Կուսին, բացողը ժուանը չէ. նա օրհնում է Սուրբ Կոյսը, զգալով միևնոյն ժամանակ մի առանձին արամութիւն: Դարձեալ բացվում է դուռը, դա անշուշտ ժուանը պիտի լինի... ոչ, նա չէ. հաւատացած եմ, որ այն զիշերը Զուլիան էլ չդիմեց ազօթքով զթառատ Սուրբ Կուսին:

LXXVII.

Վերջապէս, նա վճռեց, որ մի առաքինի կին պարտաւոր է յաղթել փորձութեան... փախուստը թուլութիւն կը լինէր. չէ, այժմ ոչ մի տղամարդ կարողանալու չէ նորա սիրտը վրդովել, այսինքն՝ նորան ոչ ոք չէ կարող ստիպել տղամարդկանց մէջ ընտրութիւն անել, թէ պէտեւ բոլոր կանայք անում են այդ, դրդուած զբացմունքից, որ կից է եղբայրական սիրուն:

LXXVIII.

Եւ եթէ պատահմամբ... ո՞վ կարող է դուշակել ապագայի անցքերը... խորամանկ սասանան երբեմն բարեկամ

է ձևանում... եթէ պատահմամբ մի օր նկատի իւր մէջ մի ինչ որ փոփոխութիւն և թէ այս կամ այն տղամարդը կարող է նորան աւելի դուր գալ (գեռա աղատ լինելով սերտ կապից)... Էհ, առաքինի տիկինը քշում է իրանից այս տեսակ մտքերը և փառքով է դուրս գալիս իւր սրտի հետ ունեցած մենամարտութիւնից... Բայց եթէ այդ մարդը պահանջի... կարելի է մերժել... վերջինը փորձել խորհուրդ կը տամ անել երիտասարդ կանանց:

LXXIX.

«Եւ ապա մի՞թէ չկայ զբացմունք այն աստուածային սիրոյ նման, որ փայլում է մաքուր և անարատ լուսով, ինչպէս հրեշտակների սէրը և այն երկիւղած կանանց, որոնք ազատ չեն զայթակղութիւնից. մի՞թէ չկայ այն պղտունական և կատարեալ սէրը... այն սէրը, վերջապէս, որով ես եմ բորբոքուած»... Սյուպէս էր մտածում Զուլիան և տարակուսանքը հեռու էր նորանից: Ինչ ինձ է վերաբերում, ես կըցանկանայի, որ նա հենց այս տեսակ մտածէր, եթէ ես լինէի այն երջանիկ մահկանացուն, որ ներշնչել էր նորան այդ երկնային խորհրդածութիւնները:

LXXX.

Սյու տեսակ սէրը ամենեւին անմեղ է և կարող է ծագիլ առանց փտանդի երիտասարդների մէջ: Կարելի է համբուրել՝ սկզբում ձեռքը, յետոյ այտերը. այս բաները անձանօթ են ինձ, թէպէտեւ շատերը համոզուած են, որ այդ անմեղ շարժմունքները թոյլ են տրուած վերոյիշեալ սիրոյ տեսակի օրէնքով. բայց բոււական է մի քիչ հեռու դնալ, որ մարդս յանցաւոր դառնայ. զգուշացնում եմ ձեզ և եթէ մեռանաք այդ, ինձ չմեղադրէք:

Սերը, այն սերը, որ պատշաճ սահմաններում է փակուած, սերը, ասում եմ ես, այն զգացմունքն էր, որ ընծայեց Զուլիան երիտասարդ ժուանին: «Սյս զգացմունքը, մտածում էր նա, կարող է նաև օգտաւէտ լինել ժուանին և ղեկավար, իբրև մաքուր սեզանի վերայ փայլող լըս... և ի՞նչ քաղըր դասեր կըստանայ ժուանը ինձանից»... Ես չգիտեմ այն բոլոր դասերը, որ նա կըստանայ... Զուլիան էլ հազիւ թէ գիտէր այն ժամանակ:

Զինուորուած այս սուրբ ձգտումներով և զրահաւորուած իւր անարատութեամբ, Զուլիան վստահ էր և համոզուած; որ նորա պատիւը մի անմառաչելի ժայռ է կամ ամրոց, և ահա ինչու նա վճռեց մի աւելի ազատ գիրք բռնել: Մեծ չէր արդեօք այն հաւատը, որ ընծայում էր Զուլիան իւր առաքինութեան, սորան ապացոյց կըլինի պատմութեանս շարունակութիւնը:

Զուլիան կարծում էր, որ նորա մտքերը անարատ են... և զիւրակատար. տասնվեց տարեկան երիտասարդը հազիւ թէ կարող էր չարախօսութեան նիւթ գտանալ և վերջապէս նա համոզուած էր, որ նորա նպատակները զովասանքի են արժանի և ահա ինչու նա այսուհետև հանդիսա պիտի լինի... մաքուր խղճմանները անդորրութիւն է տալիս մեզ Պատմութիւնից անշուշտ լաւ յայտնի է ձեզ, որ քրիստոնեայք այրում և կտորում էին քրիստոնեաներին, համոզուած լինելով, որ առաքեալներն էլ նոյնը կ'անէին:

Եւ եթէ յանկարծ նորա ամուսինը մեռնի... Աստուած փրկէ Զուլիային այս տեսակ մաքից երազում անդամ: նա երբէք տանելու չէ այդ կորուստը. և այս մաքի անցնելուց՝ մի տեսակ մեղմ հառաչանք էր թուշում վըզոված կուրծքից: Բայց ենթադրենք միայն, որ այս բանը պատահեց, ես ասում եմ, ենթադրենք inter nos (այսինքն՝ entre nous կամենում եմ ասել, որովհետև Զուլիան մտածում էր Ֆրանսերէն, իսկ ես միշտ չափիս ստրուկ եմ եղած):

Ուրեմն ես ասում եմ՝ թոյլ տուէք մեզ այս ենթադրութիւնը անել. ժուանը մինչև այն ժամանակ հասունացած տղամարդ կըլինէր, պատշաճ և համապատասխան մի այրի կնոջ—եօթը տարուց յետոյ—այնքան էլ ուշ չէ՛. այս ժամանակամիջոցում (հետեւեք մեր գեղեցկուհու մտածմունքներին) այնքան էլ փաստ չէր լինի, եթէ ժուանը Զուլիայի իսկ բերանից ուսումնասիրէր սիրոյ կանոնները... ես շարունակում եմ խօսել այն սերովբէական սիրոյ մասին, որ կարելի է գտնել երկնքում միայն:

Էհ, բաւական է Զուլիայի մասին խօսածս. այժմ խօսենք մի քիչ ժուանի մասին: Ոգորմելի ազնայ, նա բնաւ ծանօթ չէր իւր նկրքին աշխարհի հետ և ահա ինչու չէր կարող գտնել իւր յուզմունքի պատճառը: Զգայուն և սրընթաց, ինչպէս Օվելիոսի միսս Մէդէան, ժուանը աշխատում էր պարզել իւր զգացմունքը, որ նոր և անծանօթ լինելով նորան, միևնոյն ժամանակ բնական

էր երևում: և զգում էր ժուանը, որ մի փոքր ևս համբերութիւն և այդ զգացմունքը կը դառնայ երջանկութեան աղբիւր:

LXXXVII.

Լորիկ, մտածկոտ, միւլնոյն ժամանակ յուզուած, նա սովորութիւն էր արել հեռանալ անից և թափառել մեկնացած անտառում: այն անձանօթ հիւանդութիւնը, որ վարակել էր նորան, սիրում է միայնութիւն, ինչպէս և սրտի բոլոր խորին ցաւերը... ևս նոյնպէս սիրում եմ առանձնութիւն... բայց մի՛ շտապէք, լաւ է միմեանց հասկանանք՝ ևս սիրում եմ սուլթանի առանձնութիւնը, ոչ առանձնականի այրին, այլ այն բնակարանը, որ հարեմ է կոչվում:

LXXXVIII.

Ո, սիրոյ Աստուած, միայն այս տեսակ առանձնութեան մջ «հրձուանք և անփութութիւնը» խառնվում են միմեանց հետ. այնտեղ միայն կարելի է գտնել զուարճութիւնների զրախտը, այնտեղ միայն գու հանդիսանում ևս իսկ երկնային աստուած»: Պօէտը,¹ որից ևս քաղում եմ այս սողերը, գեղեցիկ է յօրինում, բացի երկրորդ սողից, ուր հրձուանք և անփութութիւն» խօսքերը միմեանց հետ դժուար են կապվում:

LXXXIX.

Պօէտը—բացատրութիւնն նպատակ ունի հաշտեցնել նորան ընթերցողի և բնական հասկացողութեան հետ

¹ Կամրելլ:

պօէտը, անկասկած, կամենում էր ասել, որ մարդս չէ սիրում, երբ նորան խանդարում են սիրոյ կամ ճաշի ժամանակ. այս ահաճութիւնը ամենքը զգում են, զգացել են և զգալու են, երևի... Իէհ, էլ ոչինչ աւելացնելու չեմ վերոյիշեալ խօսքերի վերաբերմամբ. մեզ լաւ են ծանօթ նոքա և թող «անփութութիւնը» մղի պօէտի մտքերը:

XC.

Երիտասարդ ժուանը թափառում էր յստակ ագրիւքների ափերում, ընկղմուած խորին մտածմունքի մէջ. նա հանդստութիւն էր առնում վայրենի թուփերի մօտ անտառի այն անկիւններում, որտեղ ներշնչում են բանաստեղծներին օդերից նիւթեր. ճիշտ չէ՞, որ այս տեսակ վայրերը մենք սիրում ենք երբեմն ընտրել պօէտներին կարգալու, նոցա մտքերին և գեղեցիկ զարձուածներին զմայլելու, եթէ միայն նոքա այնքան ախմար չեն, որքան Վորդսվորտը:

XCI.

Նա (Վորդսվորտը չէ, ժուանը) շարունակում էր խորհրդածել այնքան, որ նորա մտքերը անընդհատ անցնելով մէկը միւսի յետեւից հոգուն մոռացութիւն էին տալիս, մեզմայնելով սիրոյ կսկիծը, ճշմարիտ է, մասամբ, ոչ ամբողջովին: ժուանը ձգտում էր իւր մտքերին աւրապետել, մտքերին, որ, աւանդ, անսանձ են լինում: Աննկատելի կերպով նա Կորիջի նման մետաֆիզիկ զարձաւ:

XCII.

Նա խորհրդածում էր իւր և աշխարհի մասին. խորին զմայլութեամբ նա զիտում էր մարդուն, որ հրաշալի

արարած է ներկայացնում: ապա՞ծ երկար նայում էր աստղերին, հարցնելով իրան, թէ որ աստանան է մինչ նոցա երկնակամարին. նա մտածում էր երկրաշարժութեան մասին, պատերազմների սարսափի, բիւրաւոր մղոնների, որ անցնում է լուսինը, օդապարիկների և այն դժուարութիւնների, որ առաջ են դալիս, երբ մարդս ձգտում է ճանաչել երկնքի տարածութիւնը. վերջապէս, նա մտածում էր Զուլիայի աչքերի մասին:

XCIII.

Մտքերի այս խառնուածքի մէջ մարդս կարող է գտնել բարձր ձգտումներ, ազնիւ գաղափարներ, որ ի բնէ վիճակուած են քանի մի անձանց և որոնց համար մարդկութեան մեծամասնութիւնը դուր և կուրօրէն ամենջնում է: Տարօրինակ երեւոյթ՝ աստղեր, երկինք և սոցա նման բաներ կարող են քուն խլել ժուանի նման երիտասարդից: Դուք սորան կ'ասէք՝ փիլիսոփայութիւն, իսկ ես կարծում եմ, որ այս ամենը երիտասարդի հասունութեան նշաններ են, ոչ այլ ինչ:

XCIV.

Փուանը մտածում էր տերևների և ծաղիկների մասին, քամու ընթացքում նա լսում էր ձայներ, նորա երեակիցութեանը ներկայնում էին Ելլադայի չքնաղ յաւերժահարսերը: Նա կ'օրցնում էր ճանապարհը, մոռանում էր ժամը և միայն ժամացոյցին զիմելով, տեսնում էր, թէ որքան առաջ է վազել մեր հին աստուած-ժամանակը, և թէ ճաշուայ ժամը վաղուց է անցել:

XCV.

Երբեմն զարթնելով մտածմունքից նա սկսում էր կարգալ Բօսկան և Գարկիլասոսն¹... և ինչպէս զեփիւոր զըբին մեղմ՝ զիւզելով թերթերն է շարժում, այնպէս իսկ շարժվում էր նորա սրտի խորքերում մի քնքոյշ զգացմունք... և նման էր Փուանը այն թեթեալութիւն հակներին, որոնք զիւթական ազդեցութեան տակ քամիների խաղալիք են դառնում, ինչպէս պատմել է ինձ մի պատու կին:

XCVI.

Ահա այդպէս էին անցնում Փուանի միայնութեան ժամերը. և զգում էր Փուանը, որ նորան մի բան է պակաս, բայց թէ ի՞նչ—չէր կարող որոշել: Ոգևորիչ մտածմունքներ, բանաստեղծների ստանաւորներ, սոցանից ոչ մէկը նորան չէր ընծայում այն, ինչ որ փափագում էր նա. և ի՞նչ էր նորան պէտք՝ մի կուրծք, որին սեղմէր իւր զլուխը... մի սիրտ, որի բաբախումն լսէր... նորան պէտք էր շատ բան, որ ես այժմ մոռացել եմ, կամ անպատեհ եմ համարում յիշել:

XCVII.

Փուանի սերը դէպի միայնութիւն, նորա երկարատե բացակայութիւնները զազանիք չէին կազմում Զուլիայի համար. նա նկատել էր արդէն, որ Փուանի արամազրութիւնը առաջուանը չէր. բայց ամենազարմանալին այն է, որ Դոննա-Ինեցը ամենեւին ուշադրութիւն չէր դարձնում

¹ Սպանիացոյ լալտնի բանաստեղծներ:

իւր որդու մէջ եղած փոփոխութեան վերայ: Նկատել էր նա մի բան, թէ՛ չէ՛ր կամենում տեսնել. կամ ինչպէ՛ս նա չկարողացաւ բանի հուժիւն հասկանալ—նա, որ այնքան խորազէտ կին էր:

XCVIII.

Վերջինը մի քիչ տարօրինակ է ինձ թուում, թէ պէտեւ մի շատ հասարակ բան է. օրինակ՝ այն բարեմիա պարունները, որոնց ամուսինները ուխտապրօժ են հանդիսանում, զանց առնելով... ո՞ր պատուիրանը (թիւր մտայեղ եմ, իսկ զուր և սխալ խօսել ես երբէք չեմ սիրել), եթէ այն պարունները, ասում եմ ես, խանդոտ են լինում, երբեմն զօհ են դառնում մի ծիծաղաշարժ սխալի, որ համարում է մեր ահանջին նոյն իսկ արկիւնների բերանից:

XCIX.

Իսկական ամուսինը միշտ կասկածոտ պիտի լինի, բայց, աւանդ, յաճախ նորա կասկածը մի անակընկալ բնութայք է ստանում, ընտրելով այն մարդուն, որ ամենից քիչ է մտածում նորա կողմ վերայ. երբեմն թշուա՞ռը այնքան է կուրանում, որ ինքն անմիջապէս պատրաստում է իւր չար վիճակը, սիրալիք ընդունելով իւր ծանօթներից ամենալիտի մարդուն. այսպէս է միշտ պատահում: Իսկ յետոյ երբ մարդը տիկնոջ և նորա մտերմի մեղանչութեան վերայ է հասնում, թեթեամի օր—մնում է ապշած աւելի նոցա անդգամութեան առաջ, քան թէ իւր տխմարութեան:

C.

Նոյնպէս և ծնողները երբեմն միամիտ են լինում, և թէպէտ միշտ աչքի առաջ են պահում իրենց զաւակ-

ներին, բայց, ափսո՛ս, նոցա չէ տուած նկատել այն, ինչ որ մի առանձին ուրախութեամբ տեսնում են զբայցիք... թէ՛ «ո՞րն է երիտասարդ հումպիկի կամ միսս Փաննիլի սիրականը» և այլն... և այս աւոււմ է մինչև այն օրը, երբ յանկարծ որ և իցէ անիճած անցք մի հարուածով սանակոխ է անում ծնողների քսան տարուայ աշխատանքը... և ապա մայրը լալիս է, հայրը նղովում է իւր դառն վիճակը և այն օրը, երբ հայր կոչուեցաւ:

CI.

Բայց Ինչը այնքան խորամիտ էր և հեռատես, որ երևի մի զաղանի նպատակ ունէր, թողնելով ժուանին փորձութեան ենթարկուելու: Ի՞նչ էր նպատակը—այստեղ չեմ կարող ասել.—կարելի է նա կամենում էր սորանով վերջացնել ժուանի դատարարակութիւնը... կամ թէ Ալֆօնսի աչքերը բաց անել, որը, նորա կարծիքով, մեծ հաւատ էր ընծայում իւր կողմ:

CII.

Մի օր—ամառուայ օր էր. վտանգաւոր եղանակ է ամառը. ասենք՝ դարունն էլ պակաս չէ, մանաւանդ մայիսի վերջերում—մեղքի բոլոր ծանրութիւնը, անկասկած, արևի վերայ է ընկնում: Իմ կողմից կարող եմ միայն աւելացնել (առանց երկիւզի անբարեխիղճ ձեռնալ), որ տարուայ մէջ կան ամիսներ, երբ բնութիւնը աւելի աշխոյժ է և զուարթ: Մարտ ամսի հերոսը նապաստակն է, իսկ մայիսինը՝ կանայք¹:

¹ March has its hares, and May must have its—ասում է ժողովրդական առածը:

Արեմն ամառ էր... յունիսի վեցր... ես շատ եմ սիրում ձիշա թւահաշուութիւնը և ոչ միայն գարերի կամ տարիների, այլ և ամիսների: Թւերը նման են կայարաններին, ուր ձախատողի կառքը, փոխելով ձիաները, փոխում է նոյնպէս պատմութեան ընթացքը և յաճախ ահագին պետութիւնների անցեալից մնում է միայն թւերի հաշիւը, եթէ չհամարել հոգեհանգստեան պօթիքներ:

CIV.

Յունիսի վեցն էր, մտաւորապէս ժամի վեց ու կէսը, կարելի է և եօթն էր. Զուլիան նստած էր մի ծառի տակ՝ նման այն չքնաղ ծառերին, որ տալիս են ապաստան հարիւրներին Մահմեաի և Սնակրէօն-Մուրի զրախառում: Մուր, քեզ են ընծայել մուսաները իրանց քնարը և քեզ են պարզեւել Պինդ սարի պսակը. զու իսկ արժանի ես պօղաների ամենավերին մրցանակներին և, Աստուած ասց, որ կեանքդ երկարատե լինի:

CV.

Զուլիան նստած էր, բայց նա մենակ չէր. դժուարանում եմ տեսլ թէ ինչպէս եղաւ, որ նորա մի տեղում պատահեցին (թէ և իմանայի, զարձեալ չէի ասիլ—կան զէպքեր, երբ պէտք է խոհանութիւն պահպանել). ինչ որ է, Զուլիան և ժուանը նստած էին զէմ ու զէմ: Ախ, երբ երկու մարդ նոյա զրութեան մէջ, առանձնացած են լինում, աւելի յարմար է, թէպէտե շատ դժուար է, որ երկուսն էլ աչքերը փակ պահեն:

Ո, ի՛նչ չքնաղ էր նա. վարդանման պտերը արտայայտում էին նորա արտի յուզմունքը, թէ և դժուար է ենթադրել, որ Զուլիան իրեն մեղաւոր համարէր. ո, սէր, որքան մեծ է և կատարեալ քո ազդեցութիւնը. զու տրկար մարդուն—ողի ես ներշնչում, հզօրին—տանակիս անում: Եւ քանի անգամ այն մահկանացուն, որ միշտ խոհեմ և զրոյշ է եղել քանի անգամ մոլորուել է նա լարած որոգայթից զոհը դառնարով: Զուլիան կանգնած էր անդնդի առաջ, և այնու ամենայնիւ մնում էր անըկուն իւր ողջախոհութեան մէջ:

CVII.

Եւ ահա նա մտածում էր՝ իւր անխախտ բնաւորութեան, ժուանի պատանեկութեան, իւր անտեղի, խոհեմութիւնից առաջացած, երկիւղի վերայ, յայթահար առաքինութեան, ամուսնական հաւատարմութեան և, վերջապէս... Դոն-Սլօֆոնսի յիտուն տարիքի վերայ: Ես կըցանկայի, որ վերջին միտքը նորա զլիւիցը չանցնէր, աչքի առաջ ունենարով, որ իրաւ, այս թիւը հազիւ թէ կարող է համակրութիւն ներշնչել: Ամեն կլիմաներում, ուր փայլում է արեւը, կամ ուր ձիւնն է պատում, ամեն կլիմաներում՝ այս թիւը մի քիչ վատ է հնչում սիրոյ հարցի մէջ, թէ և ոչ այնքան վատ փողի հարցերում:

CVIII.

Երբ մէկը ձեզ ասում է՝ ես յիտուն անգամ կըրկենել եմ ձեզ այդ—չէ՞ որ ահաճութեան նշան է դա. երբ բանաստեղծը ձեզ ասում է՝ նորերումս յիտուն տող եմ

դրել, — անշուշտ ձեր լսելիքին մի ոտանուոր է սպասնում, դողերը իսկ, որքան ազատ են զգում իրենց, երբ նոցա խումբը յիսուն մարդուց է բաղկացած: Յիսուն տարեկան հասակում սերը սիրոց համար մի շատ հազուադիւս բան է, թէպէտև միւս կողմից յիսուն զրամով շատ հեշտ է սեր զնել:

CIX.

Ջուլիան զգում էր դէպի Դոն-Ալֆոնսոն սեր, յարգանք և հաւատարմութիւն, և մտքում երզվում էր երբէք չսպաւականել ամուսնական մատանին, և ոչ մի քայլ չանել, որ հակառակ լինի նորա սրտունին կամ առաքինութեանը և ապով այս և ուրիշ երզումներ... նա անմեղ գնում էր իւր ձեռքը ժուանի ձեռքի մէջ... ընդունելով վերջինը սեփականի տեղ:

CX.

Եւ ապա աննկատելի կերպով Ջուլիան յենուեց ժուանի միւս ձեռքի վերայ, որ խաղում էր նորա դանդուրների հետ. Ջուլիայի շփոթուած գէմքից երեւում էր, որ նորան տանջում է մի միտք, որ անզօր էր նա խեղդել իւր մէջ: Իրաւ որ Դոննա-Ինեցն էր ամենից շատ մեղաւոր, այնքան անզգաստ լինելով, որ թողել էր այդ զոյղը միայնութեան մէջ. զարմանալի բան, նամանաւանդ որ Ինեցը մինչև այդ օրը շատ խիստ էր հսկում ժուանին... Համոզուած եմ, որ մայրս այդպէս չէր անիլ:

CXI.

Դոննա-Ջուլիայի ձեռքը, մեղմիկ սեղմելով, իմացրեց ժուանի ձեռքին իւր մօտակայութիւնը, կարծես, նա ա-

սում էր՝ «պահէք, եթէ կամիք»: Սյնու ամենայնիւ, ես համոզուած եմ, Ջուլիան այդ բանում զրգուած էր լսի պատանական զգացմունքից և սորսափով յետ կըքաշուէր ժուանից, ինչպէս օձ կամ կարիձ տեսնելուց, երբ մտքիցը անցնէր, թէ սորանից երիտասարդի մէջ կարող է ծագել զգացմունք, որ կրպղտորի ընտանեկան խաղաղութիւնը:

CXII.

Ես, ի հարկէ, չգիտեմ, ի՞նչ էր արդեօք մտածում ժուանը, բայց այն, ինչ որ նա արաւ, զուք էլ, անշուշտ, կ'անէիք. վարդի շթունքները, չքնաղ ձեռքը համբուրելով, արտայայտեցին նորա սրտի գոհութիւնը... բայց, աւանդ, երջանկութիւնը երկարատեւ չէր. ժուանը յանկարծ ցնցուեց երկիւղից, որ ահա նա մերձ է մահացու մեղքին: Ո, ինչ երկչոտ է սերը իւր սկզբում: Ջուլիան կարմրեց, բայց չբարկացաւ. նա փորձեց խօսել—և լուեց... այնքան էր թուլացել նորա ձայնը...

CXIII.

Արեւը մայր մտաւ. երեկեցաւ լուսնեակի գունատ երեսը... սատանան է նստած լուսնի մէջ, որից առաջանում են մեր քամբախաութիւնները: Նոքա որ ասել են լուսնեակին անարատ, շտապել են անուն ընտրել. հազիւ թէ կրգանէք մի օր (նաև յուսնիսի քսանմէկը, որ ամենաերկարն է), որ վկայ լինէր այնքան մեղքերի, որքան տեսնում է լուսնեակ զիշերի երրօրդ ժամը... բայց ո՞րքան անմեղ է ձեւանում լուսինը երկնքում շրջելով:

CXIV.

Մի վտանգաւոր լուսնիւն է տիրում լուսնի փայլելու ժամանակ. այս խորհրդաւոր ժամերին մարդուս կա-

ուսմարող ուժերը սպասվում են և հոգին սղատվում է նեղ կապանքներից. այն զիւթիչ լոյսը, որ գեղեցկութիւն է սալիս անտառի ծառերին և միայնացած աշտարակներին, ծածկելով ամբողջ բնութիւնը իւր հրապուրիչ արծաթեայ քորով, այն լոյսը հասնում է սրտի խորքերին, ուր ծաղում է սիրոյ փափաղը, որ հեռու է անվերջով խաղապութիւնից:

CXV.

Զուլիան նստած էր ժուանի մօտ. և ահա մի ձեռք, որ, կարծես, հաղիւ զսպում էր իրեն,—մի ձեռք նորան զրկեց, զողջողալով, ինչպէս Զուլիայի կուրծքը, որին նա զիպաւ... անշուշտ անմեղ էր այս շարժմունքը, եթէ ոչ նա կ'արգելէր. մի և նոյն ժամանակ որքան քաղցր էր այս զրկախառնութիւնը... և ապա... Աստուած զիտէ, թէ ինչ պատահեց... Ես չեմ կարող շարունակել, զզւում եմ անդամ սկսածիս համար:

CXVI.

Ո, Պղատան, Պղատան. քո անիծած յնորները, քո քարոզը՝ որ մարդս տէր է իւր հոգեկան ուժերի—աւելի են լայնացրել անստակութեան ճանապարհը, քան թէ բանասեղծների և վիպասանների բազմութիւն զնդերը... Դու մի յիմար ես, մի խաբեբայ, մի սնապարծ... վերջապէս, կաւատ ես զու, ոչ այլ ինչ:

CXVII.

Զուլիայի ձայնը այնքան թուլացաւ, որ խորիմաստ զրոյցների փոխարէն՝ մեղմ հառաչանքներ լսուեցան և

սքանչելի աչքերից արասուք կաթեցին. ես կըցանկայի, որ նա չունենար զզջալու առիթ. բայց, աւանդ, ո՞ւր է այն մահկանացուն, որ սիրոյ հետ զուշութիւն է խառնում: Չկարծէք, որ Զուլիան առանց ընդգիմազրութեան փորձանքի իրեն մասնեց... Կտուեցաւ մի ինչ որ հառաչանք, մի տեսակ ողբ թեթեամտութեան վերայ, և հաղիւ լսելի ձայնով՝ «ես երբէք չեմ համաձայնիլ» ասաց նա, և... համաձայնեց:

CXVIII.

Ատում են՝ Քսերքոսէսը խոստացաւ մի փարթամ պարզեւ այն մարդուն, որ կըզանէր նորա համար մի նոր զուարճութիւն. վիպ է Աստուած, նորին Մեծութեան պահանջը բաւականին զժուար էր իրազործել և մի և նոյն ժամանակ մեծ փող կընստէր. ինչ ինձ է վերաբերում,—ցանկութիւններիս մէջ—ես մի խոհեմ բանաստեղծ եմ՝ մի քիչ սէր եմ փափագում ժամանակ անց կայնելու համար. նոր զուարճութիւնների վերայ զուխս չեմ կոտրելու. հին զուարճութիւններն էլ ինձ կըբաւականցնեն... միայն թէ երկարատե լինեն նորա:

CXIX.

Զուարճութիւն, զուարճութիւն. ճիշտ, որ քաղցր ես զու, թէպէտեւ մի օր քո իսկ պատճառով կրակին ենք ամենքս դատապարտուելու: Ամեն նոր զարուն երգում եմ սալիս կեանքս նորոգելու... և առաջին իսկ ամիսը խոստումն մոռանում. և թէպէտ այս անարատ ուխտը յաճտի եմ զանցառել, տակաւին անվհատ եմ մնացել. իսկ այժմ յուսահատ եմ ամենեւին, ես կարմրում եմ ամօթից... և դարձեալ երգվում—գալ ձմեռը անպատճառ բարեկարգուելու:

Սյստեղ իմ խոհեմ Մուսան մի քիչ աղատ է երեւալու. մի գողալ, ընթերցող, որ Մուսայիցս, անշուշտ, աւելի խոհեմ ես.—նա երգվում է, որքան կարելի է, իւր ամօթխածութիւնը պահպանել. խոստովանում եմ, այս բանաստեղծական անմեղ աղատութիւնը պիտի այլանդակի վիպասանութեանս կանոնաւորութիւնը և խորին յարգելով Սրիստոտելին և նորա կանոնները, պիտի ներողութիւն խնդրեմ նորանից այն իսկ բուպէին, երբ անուշաղիր եմ թողնելու նորա պատուիրանները:

Սյոյ ի՞նչ ամօթալի բան է, որի մասին խօսելու եմ ես... ահաւասիկ... կը յուսամ, որ բարեմիտ ընթերցողը կը շնջի եմթողրել, որ յունիսի վեցից (նշանաւոր օ՛ր, եթէ նորա թիւը մոռանայի, պօէտիկական ամբողջ արուեստս կարող էր կործանուել), որ յունիսի վեցից, ասում եմ ես, երբ ժուանը և Ջուլիան միասին էին, անցան քանի մի ամիսներ: Սյժմ մենք կը լինենք նոյեմբեր ամսում. չեմ կարող միայն ճիշդ օրը որոշել — այս բանը ինձ համար մնաց մի քիչ մութ, աւելի մութ, քան ուրիշ անցքերը:

Սյս բուպէիս ես կը վերագառնամ իմ պատմութեանս...

Քաղցր է կէս զիշերին, երբ լուսնի մեզմ քողի տակ խաղում է Ապրիատիկ ծովը, լսել թիերի կանոնաւոր հարուածները և գոնդոլիերների հեռուից եկած երգերը: Քաղցր է տեսնել երեկոյեան աստղի ծաղիլը, լսել՝ ինչպէս զի-

շերուայ զեփիւոր մեղմիկ շարժում է ծառերի տերեւները, քաղցր է հիացած նայել ծիածանին, երբ նա չափում է կրկինքը զօտիով, որի մի ծայրը Ովկիանոսումն է ընկղմուած:

Քաղցր է լսողութեան՝—մեր տան հաւատարիմ պահապանի հաջելը, որ մեզ ողջունում է բնակարանը մըտնելիս. քաղցր է մտածել՝—որ կան հեռուից մեզ պիտող աչքեր, որ կը փայլեն ուրախութիւնից մեզ նկատելիս: Քաղցր է քնից վարթնել արտօտի ձայնից և քուն մըտնել, երբ մեզ օրօրում է առուակի խախտիւնը. քաղցր են՝—մեղունների բզբոցը, օրիորդների ձայները, թուչունների պայլայլելը, մանկանց թոթովը և նոցա առաջին խօսքերը:

Քաղցր է տեսնել, ինչպէս խաղողի հասած ողկոյղները թափում են գեանի վերայ իւր ծիրանի հիւթը. Քաղցր է փախչել ազմկալի քաղաքներից՝—գաշտերի ուրախութեան մասնակից լինելու. քաղցր է ժլատին՝—իւր ոսկին համարել, քաղցր է հօր համար՝—իւր անդրանիկ որդու ծննդեան լուրը. քաղցր է—վրէժխնդիր լինել մանաւանդ կանանց համար. աւարը քաղցր է—զինուորներին և կողոպուտը՝—աւազակներին:

Քաղցր է—ժառանգութիւն ստանալ և ամենավերին երջանկութիւն՝—մի պառաւ ազգականի, կամ եօթանասուն տարեկան ծեր բարեկամի մահուան լուրը լսել, որոնք

տանջել են մեզ — երիտասարդներին, ստիպելով ան-
վերջ սպասել նոցա կալուածներին, սնուցանելին կամ
ամբողջներին: Մեր ազգականները միշտ մեռնելու վրայ են,
բայց ինչ անես, որ չեն մեռնում: և ո՞վ է մեզաւոր, ե-
թէ ոչ նոքա, որ Իօրայելացիք հալածում են նոցա ժա-
ռանգներին պարտամուհակներով:

CXXVI.

Քաղցր է ձեռք բերել — մէկ է, ինչ միջոցով — արիւ-
նով թէ թանաքով — գեղեցիկ գափնեայ պատկ. քաղցր է
վերջ դնել վիճարանութեան, քաղցր է — երբեմն կուտա-
խնդիր լինել մի տաղտկալի ծանօթի հետ. քաղցր է — շի-
շերում հին զինի ունենալ և տակառներում դարեջուր.
քաղցր է — պաշտպան լինել մի անբախտ մարդուն աշխար-
հի հալածանքից. քաղցր է մեզ — գպրոցի յիշատակը, ուր
անցան անբարձ մեր պատանեկական տարիքը, և որ եր-
բէք մենք մոռանալու չենք, թէպէտե այնտեղ մեզ մո-
ռանում են:

CXXVII.

Սակայն աւելի քաղցր է, հազար անգամ աւելի,
մեր առաջին սէրը: Սէրը մեր կեանքում ամենանշանաւոր
անցքն է, ինչպէս Ադամի համար նորա անկման յիշա-
տակը: Գիտութեան պտուղը քաղելով, մարդս ամեն բան
ճանաչեց. և ապա կեանքն էլ ոչինչ չէ կարող մեզ ա-
ռաջարկել, որ մեզանչութեան արժանի լինի: Երեւի, նոյն
գաղափարը ի նկատի ունի աւանդութիւնը երկնային հրոյ
մասին, որ յափշտակեց Պրոմէթէոսը. և այս յանցանքը
Երկինքը երբէք չներեց նորան:

CXXVIII.

Մարդս մի տարօրինակ կենդանի է և զարմանալի
կերպով բանեյնում է երբեմն իւր ընտիան ուժերը և
ձեռք բերած արուեստները. նա ձգտում է միշտ մի նոր
շաւիղ բանալ և ի ցոյց հանել իւր խելքն ու իմաստը:
Իրաւ, մեր դարը առատ է գիւտերով և իւրաքանչիւր
քանիքարը կարող է գործադրել իրեն: Սակայն լաւ չէ՞ր
լինիլ, եթէ մարդիկ ջանային ամենից առաջ «ճշմարտու-
թիւնը» գտնել. — թո՞ղ զուր մնար նոցա աշխատանքը, վը-
նաս չէր լինիլ նամանաւանգ, որ ստութեան տիրապետու-
թիւնը յաւիտենական է:

CXXIX.

Բանի քանի միմեանց հակասակող գիւտերին մենք
տկանատես ենք եղել (ճշմարիտ ցոյց տաղանտի և փողի
պահասութեան): Մէկը՝ — արուեստական քթեր է կպցնում,
միւսը՝ Գիլլիօտին կառուցանում. սա — ձեր ոսկրներն է
կտարում, նա — իւր տեղն է նոցա դնում: Բայց ամենանշա-
նաւոր գիւտը պատուասան է մնում: Բժիշկ Ջենները փոխ
առնելով նոր պատուաստը որթերից, գտել է միջոց հինը
զուրս հանելու:

CXXX.

Հայր փոխանակեցին նորա մի վատ տեսակով, որ
գեանախնձոր է կոչվում և գալվանիստով մեռեալներին
յնցեցրին. ճշմարիտ է, վերջինը չարգարացրեց այնքան
ընդհանուրիս յոյսը, որքան մարդասիրական ընկերութեան
այն մեքենան, որով ձրի ուշքի են բերում շնչասպառ
մարդկանց: Ո՞րքան նոր և հրաշալի մեքենաներ, և ի՞նչ

կարձ ժամանակամիջոցում: Ես ասացի, որ պատուաստը նորերումն է անհետացել, հաւանական է, ուրեմն որ սիֆիլիսն էլ նորան կըհասնի:

CXXXI.

Ասում են վերջին հիւանդութիւնը Ամերիկայից է եկած, ուրեմն հնարաւոր է, որ նա կըվերադառնայ իւր ծննդեան տեղը. ասում են, այնտեղ ժողովուրդը այնքան է բազմացել, որ ժամանակ է նորա թիւը նուազեցնել մի քիչ պատերազմով, ճարակով, սպիտի, թէ ուրիշ միջոցով, միայն որ Ամերիկայիք ճաշակեն քաղաքակրթութեան պատեհներէց: Բայց ո՞ր մէկը աւելի մահաբեր է—վերջիշեալ ցաւերը, թէ նոցա սիֆիլիսը:

CXXXII.

Եւ մեր դարու զիւտերը, անշուշտ, յօրինուած են ի նպաստ մարմնի սպանութեան և հոգու փրկութեան— երկուսն էլ ամենալաւ նպատակով են գործադրվում: Սեր հումֆրի Դէվիի լապտերը, որի շնորհիւ անվտանգ գետնից քարածուխ են հանում, ճանապարհորդութիւններ դէպի Թիմուրկաու և երկրադնդի ծայրերը և ուրիշ շատ բաներ—ամենը այնքան էլ ճիշդ և անհրաժեշտ բարեգործութիւններ են, որքան Վասերլոօի ումբաձգութիւնը:

CXXXIII.

Մարգս մի անըմբռնելի երևոյթ է, մի արարած, որ արժանի է հիացման և երկար հետապօտութեան: Բայց տխուր է մտածել, որ աշխարհումն զուարճութիւնը մեղք է կազմում, և երբեմն մեղքը զուարճութիւն է պատճա-

ռում: Սակաւաթիւ են այն մահկանացուք, որ լաւ զիտեն իրենց կամեցածը, իսկ մեծամասնութիւնը փառքին, իշխանութեան, սիրոյ կամ հարստութեան հեռեկոյժ, մի տատակոտ շաւիղ է ընտրում. և հազիւ նպատակին ենք հասնում—գալիս է մահը, ինչպէս ամենքդ զիտեք... և յետոյ. . .

CXXXIV.

Իսկ յետոյ ի՞նչ է պատահում, ես չգիտեմ, հաղթութէ դուք էլ ինձանից շատ իմանաք... Իէհ, մնաք բարեաւ: Վերագառնանք մեր պատմութեանը: Նոյեմբեր ամիս է, երբ հազուադիւտ են զեղեցիկ օրեր, երբ մեղ հեռուից ողջունում են սարիւրի կատարները ծածկած սպիտակ քողով, երբ ծովը որոտածայն բշում է սլիքը ժայռերի վերայ, ամիւրը ծածկվում են փրփուրով և արեգակը իւր պարկեշտութիւնը պահպանելու պառկում է երեկոյեան հինգ ժամին:

CXXXV.

Ամպամած գիշեր էր, ինչպէս ասում են գիշերուայ պահապանները. ոչ լուսին, ոչ աստղ. քամին ժամանակ առ ժամանակ ստատիկ փչում է և համարեա բոլոր բնակարաններում կրտսը խաղում է վառարանի մէջ, հաւաքելով իւր շուրջը խաղաղ գերդաստանը: Մի ուրախ լոյս է տարածում վառարանը, նոյնքան ուրախ, որքան ուրախ է ամառ օրուայ կապոյտ երկինքը:—Մէխ, որքան սիրում եմ նստել կրակի առաջ... օմարներից սալաթ, մի շէշ շամպանիսայ և ուրախ խօսակցութիւն. . .

CXXXVI.

Կես զիշեր էր... Զուլիան պառկած էր անկողնում
և, երեխ, քնած... երբ յանկարծ դռան մօտ բարձրացաւ
սաստիկ դղրուց, որից կարող էին մեռելները վարժներ,
եթէ արդէն արթնացած չլինէին, ինչպէս կարգում ենք
առակներում: Բայց որ նորա վերջին դատաստանին յա-
րութիւն կ'առնեն—այդ մենք հաստատ զիտներ: Իուռը
փակած էր. մի ձեռք սաստիկ զարկում էր և մի ձայն
դռում... «Տիկի'ն... տիկի'ն, ձայն սուէ'ք վերջապէս»:

CXXXVII.

«Ի սէր Աստուծոյ, տիկի'ն, տիկի'ն... ահա ձեր մար-
դը մօտ է... նորան հեռեւում է քաղաքի կէտը համարեա...
Ո, ի'նչ պատահար... ո՞վ է տեսած այդպէս բան... բայց,
հաւատացէ՛ք, մեղաւորը ես չեմ... ես լաւ էի հսկում...
դուռը պինդ փակեցէ՛ք... ահա նորա սանդուղքի մօտ են,
մի քայլ և այստեղ կըլինեն... փառք Աստուծոյ, որ պա-
տուհանները այնքան էլ բարձր չեն»:

CXXXVIII.

Բայց, աւանդ, Իոն-Ալֆօնսօն հասել էր արդէն իւր
բարեկամների և ծառաների հետ—ճրագներով և լապտեր-
ներով: Սյս պատուաւոր խմբի մեծամասնութիւնը ամուս-
նական լուծի տակ էր ընկած և առանձին ուրախութեամբ
շտապել էր գալ մի «անզգամ» կնոջ քունը խանդարե-
լաւ, որ յանդնում էր պողեր անկել իւր ամուսնու ճա-
կատին. այս տեսակ օրինակները խիստ վարակիչ են և,
եթէ յանցանքը անպատիժ մնայ, բոլոր կանայքը նորա
համը կ'առնեն:

CXXXIX.

Ձեմ կարող ասել թէ ինչօ՞ւ և ինչպէս կասկածը
մտաւ Ալֆօնսօի զուլը. բայց ինչ որ է, Ալֆօնսօի սյս
վարմունքը բնաւին համոզատաստիան չէր նորա բարձր
զրութեան և ապացոյց էր մի շատ վառ կրթութեան.
առանց որ և իցէ առթի հրապարակ հանել իւր կնոջ
անկողինը, հաւաքել ամեն կողմից ծառաներ, զինորում
զաւազաններով և սուսերներով և ինչօ՞ւ. ամենքին ապա-
ցուցանելու միայն, որ նա այն պարագայի տերը պարձաւ,
որից այնքան սարսափ էր կրում միշտ:

CXL.

Թշուա Զուլիա. հաղիւ իւր քնից արթնացած (նր-
կատէք խնդրեմ, ես չեմ տսում, որ քնած չէր), նա սկսեց
զօջել և արասուք թափել: Նաժիշտ Անտօնիան, նորա
խորհրդակիցը, շտապեց անկողնու վերմակները այնպէս
ծալծել, կարծես, ամենքին ցոյց աւալու, որ նոր էր թո-
ղել իւր պառկած տեղը. ես չեմ հասկանում, ինչու նա
աշխատում էր ցոյց աւալ, որ նորա տիկինը մենակ չէր
պառկած:

CXLI.

Ո, ի'նչ միամիտ և երկջատ էին տիկինը և նորա նա-
ժիշտը. հրեակայեցէ՛ք, նորա մի տեղ էին պառկել, վա-
խենալով անտիներից, կամ մի յանդուղն սղամարդի զի-
շերուայ այցելութիւնից.—պարզ չէ՞, որ երկու կանանց
ընդդիմադրութիւնը աւելի սոսկալի է, քան մէկինը. հէնց
այս էր պատճառը, որ նորա պառկած էին եղել մէկը
միւսի կողքին, սպասելով իրենց պարօնին, որ բացակա-
յութիւնից վերադառնալով ասելու պիտի լինէր՝ «վերջա-
պէս, սիրելիս, կարողացայ հիւրերից սուսն մանել»:

CXLIH.

Վերջապէս, Զուլիան ուշքի դալով բացականչում է.
«Ի սէր Աստուծոյ, Դոն-Ալֆօնսօ, այդ ի՞նչ է նշանա-
կում... ցնորուե՛լ էք դուք... Ո, ինչո՞ւ չմեռայ այս հրէշի
զօհը դառնալու փոխարէն. ինչո՞ւ այս աղմուկ, ինչո՞ւ այս
ամբօխ. արբեցողութեան հեռեանք է դա, թէ անտեղի
կասկածի. ի՞նչ իրաւունք ունէք կասկածի տակ ձգել մի
հաւատարիմ կին... Իէհ, գնացէ՛ք, փնտուեցէ՛ք ամեն տեղը:
Ճէնց այդ էի մտադիր անել, պոտասխանեց Դ.-Ալֆօնսօն»:

CXLIH.

Եւ սպա տէրը և նորա արբանեակները սկսում են
փնտուել. նոքա մտնում են ամեն մի անկիւն, ամեն մի
սենեակ, քրքրում են հանդերձարանը և պահարանները,
դիտում են պատուհանները, անաղում են ամեն բան և
գտնում՝ շատ սպիտակեղէններ, զուլպաներ, հողաթափներ,
սանրեր՝—մի խօսքով, բոլոր պարազանները մօղային հե-
տեղ կնոջ, որ սիրում է զուգուել և արտաբուստ ան-
րիճ երեւել. սրերի ծայրերով անաղում են գորգերը և
փարազուրները, փչացնելով կահկարասիքը:

CXLIH.

Նայում են մահճակալի տակ և այնտեղ գտնում...
Էհ, ինչո՞ւ յիշել, անշուշտ է միայն, որ ուղածը չէր, ինչ
որ նոքա տեսան. բանում են պատուհանները, երկար դի-
տելով, արդեօք չն՞ մնացել դեանի վերայ փախտատկան
տանրի հետքերը — չէ, ոչ մի նշան: Վերջապէս, նոքա
կանգնում են սպշած և ամօթով միմեանց են նայում:
Զարմանալին այն է, որ խուզարկուները ոչ մէկի զըլ-

CXLV.

խիցը չանցաւ անաղել անկողինը, ինչպէս անաղեցին մահ-
ճակալի տակը. սորանից եղբակացնում եմ, որ նոքա ա-
մենքն էլ բաւականին յիմար էին:

CXLV.

Մինչև որ տեւում էր այս խուզարկութիւնը, չկար-
ծէք որ Դոննա-Զուլիան լուռ էր մնացել. «Լաւ էք տ-
նում, շատ լաւ, բացականչում է նա, փնտուէ՛ք, լաւ փընա-
ռէ՛ք, աւելացրէ՛ք անարգանքը անարգանքի վերայ, ան-
պատվութիւնը անպատվութեան վերայ. ո, Աստուած իմ,
մի՞թէ այս ամօթին հասնելու—ամուսնացած եմ ես, մի՞թէ
սորա համար եմ համբերել ինձ կից Ալֆօնսօի նման մի
հրէշին... ոչ, համբերութիւնս հասաւ, բաւական է, ես
էլ չեմ կարող այս տան մէջ մնալ. ես կըփախչեմ այս-
տեղից, էթէ դեռ կան Սպանիայում օրէնքներ և իրաւա-
բաններ»:

CXLVI.

«Այո, Դոն-Ալֆօնսօ, այս վայրկեանից սկսած դուք
այլ ևս ամուսինս չէք. և ե՛րբ էք դուք եղել արժանի
այս կոչման. ձեր վարմունքը համապատասխան է ձեր հա-
սակին. դուք վաթսուն տարեկան էք... յիտուն կամ վաթ-
սուն... այդ մէկ է... խելք և ամօթ մնացել է ձեզ, որ
առանց որ և իցէ առթի դուք անարգում էք մի պատ-
ուաւոր կնոջ անունը... անխի՛ղձ, նենդամի՛տ, բարբարո՛ս,
Դոն-Ալֆօնսօ... չէ՛, դուք ասացէ՛ք, ինչպէ՛ս էք համար-
ձակվում մտածել անգամ, որ ձեր կինը կարող է մուս-
նալ իւր պատիւը:

CXLVII.

«Մի թէ սորա համար ես զեռ չեմ օգտուել կանանց սեռի արածութիւններից. մի թէ սորա համար ես ընտրել եմ մի ծեր և խուլ խոստովանահայր, որ, անշուշտ, անտանելի կըլինէր մի ուրիշ արկնօջ համար: Ո, ինչու մինչև այժմ նորան առիթ չեմ տուած՝ ինձ նախատելու. բաւական չէ այդ, նա այնքան զարմանում է անմեղութեանս վերայ, թշուա՞ռ, որ չզիտէ ինչ կարծել՝ — ամուսնացած եմ ես թէ չէ... Ո, անշուշտ, դուք շատ կրտանջուէք, կրր խմանաք, որ վիժածիս պատճառը դո՞ւք էք եղել»:

CXLVIII.

«Մի թէ սորա համար Սեվիլիայի երկասարգների մէջ ես զեռ չեմ ընտրել ոչ մի Cortejo¹. մի թէ սորա համար միշտ նստած եմ տանը, աշխարհի լուսից զրկուած, եթէ չհամարել ցուլերի կռուի, պատարալի, կոմեդիայի և պարահանդէսների պատահական այցելութիւններս. մի թէ սորա համար ես չեմ յուսադրել պաշտօններիցս և ոչ մէկին, չնայելով նոցա բարձր դրութեանը. աւելի կ'տեսնեմ ես մինչև անգամ անքաղաքավարի եմ ձեւայել նոցա վերաբերմամբ. մի թէ սորա համար զենեքալ կոմս Օ'Ռեյլին, Սլոփերի նուաճողը, ամեն տեղ կրկնում է, որ ես նորա հետ շատ սառն եմ վարուել»:

CXLIX.

«Իտալացի երգիչը — Կոչցանին չէ՞ր, որ զուր երգում էր վեց ամիս շարունակ, պատու հաններիս առկ կանգնած.

¹ Սպանուծիք իրենց պաշտող տղամարդկանց կոչում են «Cortejo»:

նորա ազգակիցը — Կոմս Կորնիանին չէ՞ր, որ ինձ յայտարարել էր Սպանիայի ամենաառաքինի կին. ո՞րքան ուսուներ և անզղիացիք մերժել եմ ես... վերջապէս, ես յուսահատութեան մէջ եմ ձգել Կոմս Սարոնգատրոգանովին և Լորդ Մունթ-Կոֆֆեչուզին, որ անցեալ տարի սիրով բորբոքուած գէպի ձեր ամուսինը արբեցողութեան մատնեց իրեն և հոգին աւանդեց»:

CL.

«Իուքս Իշարը չէ՞ր և Իոն-Փերնանդ Նունեսը — երկու եպիսկոպոսներ, որոնք ծնկաչոք սէրս էին պաղատում. և այդ է ձեր վարմունքը մի հաւատարիմ կնոջ հետ. վերջապէս, ասացէք, խնդրեմ, լուսնի ո՞ր մասն է ձեր վերայ այդպէս խիստ ազդում: Ո՛, դուք զեռ շատ չափաւոր էք, որ չէք զարկում ձեր կնոջը, թէպէտև ժամը, կարծեմ, պատեհ է... Ո՛, քանջ հերոս, բոլոր ձեր տարձանակներով և մերկացրած սուսերներով դուք մի զարմանալի կատակերգութիւն էք խաղում»:

CLI.

«Յհա ինչու դուք յանկարծ ճանապարհ ընկաք, պատճառ բերելով անյետաձգելի գործեր, ձեր խորամանկ քարտուղարի հետ, որին այժմ տեսնում եմ անկիւնում կանգնած. անզգամը կծում է շրթունքները, զգալով իւր ծիծաղաշարժ դրութիւնը: Ես ձեզ արհամարհում եմ երկուսի՞դ էլ բայց նորան — առաւել ևս, նորա վարմունքը աններելի է, որովհետև հաւատացէ՛ք, որ այդ խարդախ գործում նա զրկուած է եղել մի մեծ գումարից աւելի, քան թէ սիրուց գէպի ձեզ կամ ինձ»:

CLII.

«Եթէ այս պարօնը եկած է դատաստանական քրն-նութիւնն անելու, թող սկսի իւր գործը... ո, ի՛նչ կարգի էք բերել մեր բնակարանը... ահա թանաք, ահա և գրիչ, դէհ, սկսէք դատաստանահարցը, պարօն, և ամենը ճշտութեամբ թղթի վերայ հանէք. ես բնաւին ցանկութիւն չունեմ, որ դուք ձրի ձեր վճարը ստանաք... բայց ի՛նչ կատի ունենալով, որ նաժիշտս համարեա մերկ է ամենեին, հեռացրէք, խնդրեմ, ձեր ամբօխը» :— «Ո, հեծկտալով գոչեց Անտոնիան, ի՛նչ ուրախութեամբ բոլորից աչքերը ես կը հանէի» :

CLIII.

«Ահաւասիկ առանձնասենեակը, ահա՛ ննջարանը... փնտռեցէք վեր ի վայր... ահա՛ բազմոցը... և վառարանը... վերջինը, անշուշտ, կարող է տաքացնել գիշերուայ ցրտից սառած մի սիրականին. բայց քունս զալիս է... ազմուկ մի հանէք և շտապեցէք գտնել ծպտեալ սիրականիս... ապա, շնորհ բերէք, ինձ էլ ներկայացնել. անշուշտ, մի հետաքրքրելի մարդ պիտի լինի» :

CLIV.

«Իսկ այժմ, հիդալգօ, երբ ցեխի հետ խառնեցիք ձեր ամուսնու պատիւն և անունը այս պարօնների առաջ, որոնք ամօթապարս կանգնած են այստեղ, այժմ ցոյց տուէք ձեր մեծահոգութիւնը, տեղեկութիւն տալով այն մարդու մասին, որին դուք որոնում էք: Ի՛նչ է նորա անունը, նորա զրութիւնը հասարակութեան մէջ... դէհ, ասացէք, ո՞վ է նա... կը յուսամ, որ երիտասարդ մարդ է,

վայելչակալմ, բարձրահասակ... խօսէք, վերջապէս, ես հաւատացած եմ, որ առանց ծանր առթի դուք երբէք չէիք համարձակուիլ այդքան անպատուել ձեր կնոջը» :

CLV.

«Ի հարկէ, նա վաթսուն տարեկան չէ՛. այս հասակում նա կը լինէր մի քիչ ծեր, որ արժանի լինէր մահուան կամ ձեղ նման մի երիտասարդի կասկածին. Անտոնիան, մի բաժակ ջուր... ո, ինչո՞ւ արտասուք եմ թափում—անարժան են նորա հօրս աղջկայ բնութեանը. իսկ թշուառ մայրս, աշխարհ բերելով ինձ, կարող էր նախազգալ որ մի օր ես ընկնելու եմ մի հրէշի ձեռքը» :

CLVI.

«Բայց, ասացէք անկեղծ, կարելի է նաժիշտս է ձեր կասկածը շարժում. դուք, անշուշտ, տեսաք, որ նա պառկած էր կողքիս, երբ յանկարծ ձեր արբանեակների հետ սննեակս մտաք: Նայէք ամեն տեղ, պարօն,—մենք ծածկելու բան չունենք: Սակայն միւս անգամ յոյս ունեմ, մեղ կ'իմացնէք կանխապէս, կամ կըստասէք դուան առաջ մի երկու բոպէ և ժամանակ կըտաք որ մենք զուգուած պատուաւոր հիւրերին արժանի ընդունելութիւն անենք» :

CLVII.

«Խօսքս վերջացրի, պարօն, և էլ չեմ խօսելու. այն սակաւ խօսքերը, որ ես ասացի, թող ապացոյց լինեն, որ մի թշուառ և անմեղ կին կարող է անարատուջ տանել աւելի մեծ անպատուութիւններ և մի և նոյն ժամանակ անարժան համարել զանպատուոր լինել... Այժմ զիմե-

ցէք ձեր խղճմանքին, նա մի օր ձեզանից պատասխան կըպահանջի... և այն ժամանակ թող Աստուած ձեզ փրկի դառն կսկծից... — Անտոնիա, ո՛ր է թաշկինակս»:

CLVIII.

Այս խօսքերը ասելով, նա յետ ձգեց դուխը բարձի վերայ. նորա սև աչքերը, փայլելով մաքուր արտասուքի միջից նման են երկնքին, որ մի և նոյն ժամանակ անձրև և շանթ է արձակում. նորա սև մազերը ալիքներով են թափվում թաց և զունատ պտերի վերայ, թէև բազմաթիւ գանգոլները չեն կարող ծածկել նորա սքանչելի, ձիւնափայլ ուսերի վայելչակազմ գծերը. քաղցր շրթունքները դողում են յուզմունքից, կուրծքը շարժվում է և սիրաբ օւժդին բաբախում:

CLIX.

Սեննօր Գոն-Սլֆօնսօն շփոթուած է սաստիկ. Անտոնիան անց ու դարձ է անում սենեակի մի անկիւնից միւսը, ուր ամենը տակն ու վեր է արած: Գլուխը բարձր պահած, նա ձգում է խոժոռ հայեացքներ իւր պարոնի և նորա Միրմիդանների վերայ, որոնք շփոթուած էին նոյնպէս, բացի քարտուղարից. նա միայն նման Աքատին, հաւատարիմ մինչև գերեզմանը, անվրդով էր մնացել. «Թող միայն խռովութիւն լինի, մտածում էր նա, իսկ յետոյ, յայանի է, որ առանց օրէնքների միջամտութեան խաղաղութիւնը դժուար է վերստին տիրում»:

CLX.

Անշարժ կանգնած նա, կարծես, հոտոտում էր իւր տափակ քթով և նեղ աչքերով ուշադրութեամբ հետե-

ւում էր Անտոնիայի շարժուածքներին, մի խօսքով՝ — նորա կասկածը դեռ չէր փարատուել: Նորա մտքից բնաւին չէր անցնում «պատիւ և ընտանեկան խայտառակութիւն» հասկացողութիւնները. թող միայն յանձնեն նորան օր և իցէ դատաստանական գործ. նորա սիրաբ չէր շարժում երիտասարդ ասած հասակը կամ զեղեցիութիւնը և նա երբէք հաւատ չէր ընծայում խօսքերին, որոնք չեն պընդած երկու-երեք ճարպիկ սուտ վկաներով:

CLXI.

Ինչ վերաբերում է Գոն-Սլֆօնսօնին, խնդը, աչքերը խոնարհած, պէտք է ասել, մի յիմար կերպարանք ունէր: Ի՞նչ օգուտ ստացաւ քրքրելով բոլոր ծակուծուկերը և այգքան խիստ անպատուելով իւր երիտասարդ կնոջը. — ոչինչ, բացի խղճմանքի չար խայթոյները, որոնց աւելացան կնոջ յորդառատ խօսքերը, տեւելով կէս ժամ և կարկուտի նման թափուելով նորա գլխին:

CLXII.

Նախ և առաջ նա փորձեց մի ինչ օր քրթմնջել. — պատասխանի տեղ վազեցին արտասուք, լսուեցաւ լաց ու կոծ, և հանդէս եկան ուշաթափութեան բոլոր նշանները. — մի տեսակ հառտանք, մի տեսակ սրտապնտցութիւն, ծանր շնչառութիւն, մի խօսքով այն սովորական երեւոյթները, որ մի կնոջ յուզմունքն են արտայայտում... Սլֆօնսօն նայելով իւր կնոջ վերայ, յիշում էր հօլբին. մի և նոյն ժամանակ նորա աչքի առաջ երեւցան կատաղած ազգականները, վաշտերով նորա շուրջը կանգնած, և նա հաւաքեց իւր բոլոր ուժերը համբերութիւն պահպանելու:

Նա արդէն պատրաստ էր խօսել այսինքն միթմրթալ, բայց խորագէտ Անտոնիան շտապեց խօսքը կտրել... «Պարոն, ասաց նա, դուրս գնացէք սենեակից և էլ ոչ մի խօսք մի աւելացնէք, թէ չէ տիկինը հոգին կ'աւանդի»։ «Սատանան նորան տանի», մտածեց Ալֆօնսօն և էլ ոչինչ ժամը պատեհ չէր երկար ու բարակ խօսելու և ձգելով երկու-երեք խոժոռ հայեացքներ—նա խոնարհեցաւ, պարզ չհասկանալով իւր արարմունքը։

CLXIV.

Ամենքը հեռացան. քարտուղարն էր միայն, որ վերջինը սենեակը թողեց, կամաց-կամաց յետ քաշուելով, դռան առաջ կանգ առնելով, մինչև որ Անտոնիան բռնի դուրս հանեց նորան։ Անբաւական գործի այս ընթացքից նա չհասկացաւ Դոն-Ալֆօնսօի տարօրինակ և թեթեւամիտ վարմունքը, որ, պէտք է ասած, ցնորուածի էր նման... Նա դեռ խորատուզուած էր իւր մտքերի մէջ, երբ յանկարծ քթի տակ դուռը փակեցին։

CLXV.

Հագիւ թէ բանալին հանեցին, երբ յանկարծ... ինչ ամօթ, ինչ յանցանք, ո կանանց սեռ... ինչպէ՞ս կարող էք դուք այդպիսի յանցանքներ գործել, պահպանելով մի և նոյն ժամանակ ձեր բարի անունը. թէ դուք կարծում էք, որ այս աշխարհը, միւսն էլ նորա հետ, կշյր է ամենեին. միթէ կայ մի բան, որ վեր լինի բարի անունից։ Բայց ես շարունակում եմ, որովհետև դեռ շատ բան ունեմ ասելու և, անշուշտ, մեծ զուգանքով պիտի ձեզ յայտնեմ, որ ժուանը կիսախեղդ դուրս ցատկեց անկողնուց։

Նորան թողցրել էին... չեմ կարող պատմել կամ նկարագրել ինչպէ՞ս. նուրբ և բարակ, նա կարող էր հեշտութեամբ ծալուել և շատ փոքր տեղ էր հարկաւոր նորան տեղաւորելու։ Բայց եթէ նա խեղդուէր այդ երկու չքնաղ արարածների ծանրութեան տակ,—արժանի՞ կըլինէր խղձալու. ես չեմ կարող, նաև իրաւունք չունեմ բարեսիրտ լինել դէպի նա։ Առաջինը՝ աւելի լաւ է հոգին աւանդել այս տեսակ, քան թէ խեղդուել արբեցող Կլարենսի նման զինու տակառում¹։

CLXVII.

Երկրորդը՝ կարիք ունէ՞ր ժուանը մի մեղք գործել, որ երկինքը մեզ արգելում է, խսկ մարդկային օրէնքը պատժում տուգանքով. և յետոյ փող չէ՞ր այդ նորա մատաղ հասակի համար։ ձիշտ է, որ տանովեց տարում խղձմտանքը մեզ չէ տանջում այնքան, որքան վաթսուն տարեկան հասակում, երբ մենք սխտում ենք յիշել բոլոր մեր մեղքերը և հաշիւը վերջացնելով տեսնում, որ կշիւր սատանայի զիրկն է մեզ քաշում։

CLXVIII.

Ես կարիք չունեմ ձեզ նկարագրելու ժուանի դրաւթիւնը. այդ նկարագրած է երբայեցուց պատմութեան մէջ, ուր դուք կրկարդաք ինչպէս բժիշկները, ձեռք քաշելով

¹ Դուրս Կլարէնս, Էդուարդ IV-ի տղայրը, դատապարտուած լինելով մահուան, վախճանուեց Վինդրայի Սշտարակի մէջ 1478 թ. ըստ ժողովրդական աւանդութեան, նորան խեղդեցին զինու տակառում, նայէք Շէքսպիրի Րիբարդ II:

խմիչքներն է այլ զեղերն, ծերացած Դաւիթ թագա-
ւորին, որի արիւնը կորցրել էր իւր արագութիւնը, ա-
ռաջարկեցին փորձել մի անբիծ աղջիկ, իբրև տեղային
զեղ.—Հիանալի զեղ, որ, անշուշտ, լիովին ազդեց: Երևի,
մի ինչ որ տարբերութիւն կար այդ զեղի գործ ածելու
մէջ, որովհետև Դաւիթ թագաւորի օրերը երկարացնելով,
նա քիչ մնաց զըզէր ժուանին կեանքից:

CLXIX.

Բայց ի՞նչ ձեռնարկել. Ալֆօնսօն իսկոյն վերադառ-
նալու է իւր ավամար արբանեակներին արձակելուց յետոյ.
նոքա սկսում են աղաչել Անտոնիային մի խարդախու-
թիւն հնձարել, որ աղատէր սիրականներին այդ գժուար
զրութիւնից: Երկար նա կտարում է իւր զուխը, բայց
անգոր է մի բան յօրինել: Ի՞նչ կ'անեն նոքա, եթէ նորից
սկսի բանակուելը... և յետոյ մի քանի ժամ ևս և լոյսը
ծագելու է. Անտոնիան չգիտէ, թէ ինչ առաջարկէ... Զուխան
լուռ է... և մօտեցնում է իւր գունատ շրթունքները
ժուանի պատերին:

CLXX.

Նոցա շրթունքները հանդիպում են միմեանց. ժուանի
ձեռքը հեռացնում է Զուխայի ձախաթի վերայ թափուած
զանգուրները և ոչ մէկը նոցանից չէ կարող զսպել սիրոյ
հրձուանքը, մոտանալով ամենեւին սպառնող վտանգը:
Անտոնիայի համբերութիւնը վերջապէս հասնում է. «Իէհ,
բաւական է, նաղելու և փափկելու ժամանակը չէ. մնում է
մի ելք՝ փակել սուանձնասենեակում այս զեղեցիկ աղային»:

CLXXI.

«Պահէ՛ք, ի սէր Աստուծոյ, ձեր փաղաքշանքները մի
ուրիշ աւելի աջող զիշերուայ համար... բայց ո՞ր սատանան
կարող էր պարոնին կասկած ներշնչել. վերջը ի՞նչ կը լի-
նի... չէ, ես վախենում եմ հեռանքներից... այս պատա-
նին մի սատանայ է. ի՞նչ կտարատուելու ժամանակ է
այժմ, ի՞նչ էք մտածում. զիտէ՛ք, որ վերջը կարող է
արիւն թափուել: Դուք կը խորցնէք կեանքը, ես՝—իմ տեղս,
իսկ տիկինը—իւր զիրք ու պատիւը... և ո՞ւմ համար—
մի մարդու, որ աղջկայ գէմք ունի»:

CLXXII.

«Ուրիշ բան է, եթէ այդ ամեն զժբախտութիւնների
պատճառը լինէր մի ամբակազմ քսանհինգ կամ երեսուն
տարեկան տղամարդ (գէհ, շտապէ՛ք, պարսն) ... ոչ թէ մի
երեկոյս. այդ ի՞նչ է, Տէ՛ր բարի... ես ոչինչ չեմ հասկա-
նում, ես ապշած եմ տիկնոջս ճաշակի առաջ... (գէհ,
մտէ՛ք սենեակ) ... Բայց տէրը հետու չէ... Լա՛ւ. այժմ զե-
ղեցկազէմ պատանին փակուած է... և եթէ մինչև առա-
ւօտը մի միջոց գտնենք նորան ազատելու... (ժուան, ար-
թուն կայէք, ի սէր Աստուծոյ):

CLXXIII.

Մտու Դոն-Ալֆօնսօն—այս անգամ մենակ—և վերջ
զրեց հաւատարիմ նաժշաի խրատական զրոյցներին: Ան-
տոնիան կամենում էր մնալ սենեակում, բայց պարոնը
հրամայեց հեռանալ. նաժիշար հնազանդում է զժգոհու-
թեան նշաններով: Աւաղ, այժմ էլ չկայ հար ժամանա-
կին օգնութեան հասնել, թէպէտև միւս կողմից՝ ի՞նչ

կարող էր անել, եթէ մնար սենեակում: ապա նայելով պարանի վերայ և յեաջ տիկնոջ, նա ճրագը ուղղեց և զլուխը խոնարհելով հեռացաւ սենեակից:

CLXXIV.

Այժօնսօն մի բուռ է լուսթիւն պահպանեց. յեաջ նա փորձեց ներողութիւն խնդրել զիշերուայ անցքի առթիւ. նա չկարողացաւ ոչ մի դրական պատճառ առաջ բերել իւր վարմունքը արդարացնելու. նա կարող էր միայն աւելացնել՝ որ եթէ այսօր նա երեւցաւ մի քիչ անբարեբախտի—նա ունէր մի քանի պատճառներ, թէպէտև նոցանից և ոչ մէկը չասաց: Մի խօսքով, նորա ճառը մի զեղեցիկ օրինակ էր ներկայացնում և այս տեսակ հոգեւորական դարձուածներին զիանականները rigmarole¹ կ'ասեն:

CLXXV.

Ջուլիան ոչինչ չէր խօսում: Երբեմն Գոն-Այժօնսօի խօսած ժամանակը նորա ուղեղում ծագում էին մի-մի վազուց արդէն պատրաստած պատասխաններ, որ միշտ կանանց օգնութեան են հասնում, եթէ նոքա լաւ են ճանաչում իրենց ամուսինների թոյլ կողմերը: Նոցա համար երբեմն բաւական է մի խօսք բաց թողնել բերանից և աղամարդի զայրոյթը խեղճն անցնում է, պէտք է միայն անընդհատ խօսել—ժամանակը անցնում է, հարցը մի ուրիշ ընթացք է ստանում—սովորաբար ծուռ. պէտք է միշտ հաստատ ձայնով գիմարել, սորա մէջ է զխաւոր

¹ Rigmarole, անզղիերէն նշանակում է՝ կրկնութիւն անմիտ և դատարկ խօսքերի: Վիպասան Գոլդսմիտը այս խօսքը յատուկ անուն շինեց, որով և անմահացրել է իւր վէպի մի տղետ շատախօսին:

արուեստը: Օրինակ՝ եթէ մարդը յանդիմանում է իւր կնոջը սիրականի առթիւ... էհ, ի՞նչ վնաս, թո՛ղ տիկինը յանդիմանի մարդուն մէկի չէ—երեքի առթիւ:

CLXXVI.

Իսկապէս Ջուլիան լաւ զիտէր, ուր պիտի ուղղէր իւր կծու խայթը. Այժօնսօի և Ինեցի յարաբերութիւնները յայտնի էին ամենքին. ամօթխածութիւնից զրդուած, թէ մի ուրիշ բանից, Ջուլիան ամենեւին չչիտաւ այս հարցին: Բայց և այնպէս՝ ամենօրեայ փորձը ձեզ պարզ յոյց է տալիս, որ իւրաքանչիւր տիկին ըստ հանգամանքի ձեռքի տակ ունի հաղար ու մէկ արդարացնող պարագաներ: Երեւի, Ջուլիան չէր կամենում, որ Ժուանի ականջին հասնի նորա պատուարժան մօր անբիծ անուներ:

CLXXVII.

Հաւանական է, որ կար և մի ուրիշ պատճառ. Այժօնսօն ոչ մի խօսքով չյայտնեց իւր կասկածը Ժուանի վերաբերմամբ. նա միայն խօսում էր սիրոյ նախանձի մասին չանուանելով այն երջանիկ սիրականին, որ նորա կասկածի տակ էր ընկած: Բոլոր այդ խօսակցութիւնը ապացուցանում էր, որ նա զեռ չէր հրաժարուել այս գաղանփի մեկնութիւնից: Ուրեմն, խօսել Ինեցի մասին—մի էր—Ժուանի անուներ Այժօնսօի զլուխը ձգել:

CLXXVIII.

Նուրբ խնդիրներում բաւական է լինում երբեմն մի խօսք—կասկածը յարուցանելու. լուսթիւնը ամենից յարմարն է. և յեաջ մի առանձին «տակ» «ունի» (թող ներեն

ինձ այս նոր խօսքը, լաւ չէ հնչում նա, բայց յարմար է չափիս) այն կինը, որին մարդը կամ սիրականը ձանձրացնում է կասկածով և նախատինքներով, նա շատ լաւ գիտէ, ինչպէս պէտք է շեղուել զլիսաւոր հարցից: Եւ ի՞նչ վայելչութեամբ ստում են այս չքնաղ արարածները. իրաւ, որ սուս ու պատիր խօսքերը նոցա համար են ստեղծած:

CLXXIX.

Նոքա կարմրում են և մենք սկսում ենք համոզուել (այսինքն՝ ես գրեթէ միշտ այդպէս եմ արել), զուր և ունայն են բոլոր ձեր խօսքերը, որոնց մէկի վերայ հազար են յետ դառնում: և երբ շունչը սպառվում է, նոքա սկսում են հառաչել, վշտահար աչքերը խոնարհեցնել, արտասուք թափել և մենք ամօթապարտ զլուխներս կորացնում ենք: Իսկ յետոյ... յետոյ նստում ենք սեղանի և ընթրում:

CLXXX.

Այֆօնսօն վերջացրեց իւր աղերսը և արտասուալեց աղաչում էր կնաջը ներողամիտ լինել, ախիկնը մի կողմից կարծես թէ ներեց, միւս կողմից կարծես թէ մերժեց, առաջարկելով մի և նոյն ժամանակ այնպիսի պայմաններ, որոնք անգութ երևեցան: Այնպէս որ Այֆօնսօն չկարողացաւ մի ինչ որ չնչին և աննշան բանի յօժարութիւնը ստանալ և նման էր նա մեղաւոր Ագամին, յուսահատ կանգնած երկրային դրախտի առաջ. շփոթուած և յուզուած մի և նոյն ժամանակ, իզուր նա քաւում էր իւր մեղքերը և իզուր մի ողորմութիւն խնդրում, խոստանալով արժանի լինել կնոջ բարեսրտութեան. այս իսկ ժամանակ նորա հայեացքը յանկարծ ընկաւ մի զոյգ կօշիկների վերայ:

CLXXXI.

Կօշիկների զոյգ. այդ ի՞նչ է նշանակում... Վնաս չէր լինելու, եթէ պատկանէր մի կնոջ չքնաղ ոտներին. իսկապէս մեծ ցաւով պիտի ձեզ ասեմ, որ այս կօշիկները ազամարդու էին. տեսնել և ձեռք առնել — Իոն-Այֆօնսօի համար մի ակնթարթի դործ էր... Տէր բարի, Տէր Գթառաս, ատամներս կրճտում են, արիւնս սառչում է... Այֆօնսօն զիտում է նոցա և սաստիկ կատաղում:

CLXXXII.

Նա դուրս է վազում իւր սուրբ գանկու, Զուլիան թուշում է գէպի առանձնասենեակը. «Փախէ՛ք, ժուան, փախէ՛ք, ի սէր Աստուծոյ, փախէ՛ք... զո՛ւր են խօսքեր... դուռը բաց է... դուք կրփախչէ՛ք այն ճանապարհով, որ լաւ է ձեզ ծանօթ... ահա բանալին... փախէ՛ք... մնա՛ք բարեաւ... դէհ, շտապեցէ՛ք, լսում եմ Այֆօնսօի քայլերը... դեռ լոյսը չէ ծագել... փողոցներում մարդ չկայ»:

CLXXXIII.

Ո՞վ կարող է ասել, որ սուած խորհուրդը լաւ չէր... բայց, ամսո՞ս, որ նա մի քիչ ուշ հասաւ, ինչպէս սովորաբար պատահում է այդ դէպքերում և դա, անշուշտ, մեր ճակատագրի անդթութեան նշանն է: Մի քայլ և ժուանը դռան մօտ էր, նա կարող էր փրկուել, երբ յանկարծ նորա առաջը կտրում է Իոն-Այֆօնսօն զիշերուայ հագուստի մէջ, սպառնալով ոչնչացնել նորան... առանց երկար ու բարակ մտածելու ժուանը փայր է ձգում խեղճին:

CLXXXIV.

Կռիւր սաստիկ էր. ճրագը հանդաւ. Անտանիան զօչեց՝ «կողոպտում են», Զուլիան՝ «կրակ են տալիս», բայց

աւանդ, ոչ մի ծառայ տեղիցը չչարժուեց կռուի մէջ խառնուելու: Այժմսօն ծեծուած, որքան կարող էր ցանկանալ, հայհոյում էր և սպառնում «դեռ լոյսը չծագած իւր վրէժը հանել»: Փռւանը դռում էր աւելի ևս բարձր նորա արիւնը տաքացել էր, և զազանի նման կատաղած, նա իսպառ ցանկութիւն չունէր մարտիրոսանալու:

CLXXXV.

Այժմսօն իւր սուրը ձեռքից բաց թողեց.—յաւ է, որ Փռւանը չնկատեց այդ. եթէ նա տեսներ մահաբեր երկաթը, Այժմսօն օրերը, անշուշտ, հաշուած կըլինէին... .. Ո, յանցաւոր աիկիներ, ե՛րբ կըսկսէք մտածել ձեր ամուսինների կամ սիրականների կեանքի համար. ամեն մի բոսպէ ձեզ սպառնում է երկպառիկ պրիութիւն:

CLXXXVI.

Հազիւ թէ Այժմսօն մտադրութիւն ունենար բաց թողնել Փռւանին իւր ձեռքից. վերջինն էլ խեղդում էր նորան կամենալով շուտով ազատուել.—ահա երեւցան արեան կաթիլներ, ճշմարիտ է, քթից. վերջապէս, ուժերը սպառուեցան, Փռւանը պատրաստեց իւր վերջին հարուածը, երբ յանկարծ ճղուեց նորա հազուատը... և նա փախաւ մերկացած Յովսէփի նման... Հազիւ թէ հնար է աւելի հեռու տանել այս երկու հերոսների նմանողութիւնը:

CLXXXVII.

Վերջապէս հասնում են ճրագները: Ծառաները և նաժիշաները ներս վազելով ապշած կանգնում են տարօրինակ տեսարանի առաջ. Անտոնիան՝—սաստիկ յուզ-

ուած, Զուլիան՝—ուշաթափ, Այժմսօն՝—զոան մօտ անշունչ տարածուած, յատակի վերայ պստեղ և այնտեղ շորերի կտորներ, արեան կաթիլներ և սաքերի հետքեր:

Փռւանը հասաւ պարտիզի զոանը և արագ զուրս վազեց:

CLXXXVIII.

Այստեղ վերջանում է առաջին երգս... կարիք կայ արդեօք երգել կամ ասել, ինչպէս Փռւանը, զրեթէ ամենեւին մերկ, փրկուեց զիշերուայ քողի հովանաւորութեան տակ, որ սովորաբար նպաստում է յանցաւորներին, և ինչպէս հասաւ իւր տունը մի տարօրինակ զգեստով: Խայտառակ զրոյցները, որ տարածուեցան միւս օրը քաղաքում, հազար ու մէկ մեկնութիւնները զիշերուայ անցքի վերաբերմամբ, Գոն-Այժմսօնի ապահարզանի պահանջը—այս ամենը՝—մանրամասնօրէն նկարագրած է անզղիացուող լրագրներում:

CLXXXIX.

Եթէ մեծ է ձեր ցանկութիւնը ծանօթանալ աւելի սերտ դատաստանական զործին, վիաների ասածի և նոյա անունների, փաստաբանների ճառերի և օրէնսդէանների թեր ու դէմ տուած խորհուրդների հետ, կարող եմ ձեզ առաջարկել մի քանի հրատարակութիւններ, այդ անցքի մասին շատ յօգուածներ են զրած—ամենքն էլ միապէս հետաքրքրաշարժ. բայց ամենաերեւելին, անշուշտ, պատկանում է Գուրնէի զրչին, որ զործի հետ անմիջապէս ծանօթանալու համար Մաղրիզ ճանապարհորդեց:

¹ Վիլլիամ Բրոդի Գուրնէյ—պարլամենտի լայտնի ստենօգրաֆ:

CLC.

Իսկ Դոննա-Ինեցը կամենալով հեռացնել հասարակութեան աչքերը և չար լեզուները այդ խայտառակ անյաբից, որ նմանը չունէր գարերի ընթացքում, գոնեայ վանդալների Սպանիայից հեռանալուց յետոյ, Դոննա-Ինեցը ուխտ տուեց Սուրբ Կուսի մատուռում հազար մոմ փռել (պէտք է ասած, որ նա ճշտութեամբ է կատարում բոլոր իւր ուխտերը) և ապա խորհրդակցելով մի քանի պառաւ կանանց հետ, նա վճռեց ճամբել իւր որդուն Կազիքս, իսկ այնտեղից ծովով ուրիշ աշխարհներ:

CXCI.

Նորա ցանկութիւնն էր, որ ժուանը ճանապարհորդելով Եւրոպայի բոլոր աշխարհներում—ցամաքով և ծովով, առաջադիմութիւն ցոյց տայ առաքինութեան գործում, ամբանայ իւր բարոյական դադափարներում—ի հարկէ, զլիաւորապէս, Փրանսիայում և Իտալիայում. այդ է գոնեայ երիտասարդների զլիաւոր պարապմունքը վերոյիշեալ երկրներում:

Իսկ թշուառ Զուլիային մենաստան փակեցին. ցաւով նա մտաւ այդ սրբափայրը: Հետեւեալ նամակը աւելի սերտ ծանօթացնելու է մեզ նորա հոգեկան դրութեան հետ:

CXCI.

«Ինձ ասում են, որ ձեր ճանապարհորդութիւնը վեճուած է արգէն, զրում էր նա ժուանին: Մի դեղեցիկ մտադրութիւն... և մի և նոյն ժամանակ, իբրև ցաւալի ինձ համար: Ես չեմ ձգտում տիրել ձեր նորափթիթ սրտին, իմն դատապարտուած է գառն արամութեան միակ

զոհ լինել,—այնու ամենայնիւ, այդ զոհաբերութեան նա համաձայն է: Ես շատ սիրեցի... սորանումն է, անշուշտ, բոլոր իմ մեղքս... շտապով եմ զրում ձեզ այս նամակը, եթէ մի բիծ նկատէք, չկարծէք, որ արտասուք է դա. աչքերս բորբոքվում են, բայց չեն արտասվում»:

CXCI.

«Ես ձեզ սիրեցի, ես դեռ սիրում եմ ձեզ և այս սիրոյ ես զոհ եմ բերել—դրութիւնս, բախտս, երկինքը, հասարակութեան կարծիքը և պատիւս... և դարձեալ զըզջալու չեմ այն անզին զգացմունքի համար, որի յիշատակը այնքան քաղցր է ինձ... եթէ ես այստեղ խօսելու եմ յանցանքներիս մասին—ոչ արգարանալու համար, հաւատացէք—ոչ, և ոչ որ կարող չէ այնքան խիստ դատել ինձ, որքան ես ինքս: Կրում եմ այս սողերը, որովհետեւ քունս փախչում է աչքերիցս... ես չեմ նախատելու ձեզ... և ձեզանից այլևս ոչինչ չեմ սպասում»:

CXCI.

«Սերը տղամարդու կեանքում մի անցաւոր դէպք է. կնոջ համար—նորա ամբողջ դրութիւնն է լցնում: Արքունական կամ եկեղեցական աստիճաններ, պատերազմական դափնիք, բախտի պարգևներ, այդ ամենը տղամարդու բաժին է լինում. պարծանքն և փառասիրութիւնը լցնում են նոյա թափուր մնացած հոգին և սակաւաթիւ են նոքա, որոնք ազատ են մնում վերոյիշեալ ձգտումներից: Այս են տղամարդու առաւելութիւնները. մեր սեռը ունի մի բան՝ սէր, սէր և դարձեալ սէր... և միշտ նորա հետ անբաժան կապուած—անկումն և կորուստ»:

CXC.V.

«Ի՞նչ փաղերու էք պատուի և զուարճութիւնների յետեից. զուք դարձեալ կըսիրէք և պատասխան կըստանաք... իսկ ինձ—ի՞նչ է ինձ մնացել այս թշուառ աշխարհում, բացի քանի մի տարիներից. և նոցա ընթացքում սրտի խորքերումս ես պիտի պահեմ դառն կսկիծս և անվերջ ամօթս: Ես ամենը կըհամբերեմ,—անհարին է միայն սրտիցս վանել այն հզօր զբայմուռնքը, որ երբէք զաղարկուլ չէ ինձ այրել և տոչորել: Մնաք բարեաւ... ներեցէ՛ք... սիրէ՛ք... սչ զուր է այժմ յիշել այս խօսքը... բայց մոռացութեան տալ, ո, երբէք չեմ կարող»:

CXC.VI.

«Սիրաս միշտ տկար է եղել... նա այժմ էլ տկար է, բայց բաւական է, պէտք է ուժերը հաւաքել, աւանդ, արիւնս գեռ շարունակում է հոսել այն կողմը, ուր բոլոր մտքերս են ուղղուած, ծովի ալիքների նման, որոնց քըշում է քամին: Սիրաս՝—կանացի սիրա է, և ահա ինչու մոռանալ—նա երբէք չէ կարող... ամեն բանի համար նա այժմ կոյր է, բացի մի՛ կերպարանքի և ինչպէս մագնիսի սլաքը ձգտում է անընդհատ մօտենալ միշտ անշարժ բեռնին, այնպէս էլ զգայուն և հաւատարիմ սիրաս միշտ սլանում է դէպի մի զաղափար, որ լցնում է հուրիւնս»:

CXC.VII.

«Բաւական է, էլ ոչինչ չունեմ ես ձեզ ասելու, մի և նոյն ժամանակ անզօր եմ գրիչս բաց թողնել և չեմ համարձակվում այս թղթի վերայ իմ կնիքը դրոշմել: Ի՞նչ յոյս, ի՞նչ երկիւղ են մնացել ինձ այժմ. այնքան

մեծ է աղէաս, որ աւելի մեծ լինել այլ ևս չէ կարող և եթէ անձկութիւնը վերջ դնէր մեր օրերին, հնար չէր լինելու շարունակել կեանքս: Բայց մահը փախչում է այն չարաբաստիկ մարդուց, որ պատրաստ է ընդունել նորա հարուածը. և ինձ վեճակուած է վկայ լինել մեր վերջին անջատման և երկարել կեանքիս զառնութիւնը ձեզ սիրելու, ձեզ համար աղօթելու»:

CXC.VIII.

Այս նամակը գրած էր ոսկէգօծ թղթի վերայ մի դեղեյիկ և փոքրիկ աղանեսակի փետուրով: Զուլիայի ճերմակ, թեթև և փոքրիկ ձեռքը հազիւ հազ ոյժ գտաւ մօտենալ ձրագին զմուռը հալելու և դողդողում էր մագնիսի սլաքի նման. և այնու ամենայնիւ թղթի վերայ չընկաւ արտասուքի ոչ մի կաթիլ: Նորա կնիքը պատկերացնում էր մի արեածաղիկ, փորագրած քարի վերայ, այս նշանաբանով՝— «Նա ամենուրէք ձեզ հեռուում է» . զմուռը ամենանուրբ տեսակից էր և ամենագեղեցիկ կիննարարիսից:

CXC.IX.

Այդպէս անցաւ ժուանի առաջին սերը. շարունակեմ նորա արկածների պատմութիւնը, թէ ոչ, լիովին կախուած է ընթերցող հասարակութիւնից: Տեսնե՛նք, ինչպէս վերաբերուելու է նա առաջին փորձիս. հասարակութեան բարեմտութիւնը նման է փետուրին, որ հեղինակը կըսյնում է իւր գլխարկին. նորա քմահաճութիւնը վնասակար լինել երբէք չէ կարող: Ուրեմն, եթէ ես արժանանամ հասարակութեան զովասանքին, հաւանական է, որ մի տարուայ ընթացքում կըհիւրասիրեմ նորան իմ երկրորդ զբոյժով:

¹ Լորդ Բայրնի կնիքը ունէր այս նշանաբանը:

Նախ և առաջ պիտի ձեզ յայտնեմ, որ գրուածս լայնածաւալ վիպասանութիւն է լինելու, բաղկացած տասներկու գրքից: Իւրաքանչիւրում զուք կըգանէք՝—սիրոյ և պատերազմական արկածներ, ծովային ճանապարհորդութիւններ, փոթորիկներ, նաւեր, զօրապետներ և թագաւորներ անուանացուցակով հանդերձ. հերոսներս՝—նորատիպար մարդիկ են և պատմութեանս մէջ գլխաւոր տեղը բռնելու է երեք նշանաւոր անցք. սանդարամեաի պատկերը, ըստ Վերգիլիոսի և հոմերոսի, արդէն գրչես տակ է... այս ամենից պիտի եղբակացնէք, որ այնքան էլ ունայն չէ իմ ցանկութիւնը վիպասանի պատուարժան կոչումը ստանալու:

CCI.

Հաւատացնում եմ ձեզ, այս ամենը մեծ ճաշակով և հմտութեամբ պիտի յարմարուած լինի. ճշգրտութեամբ հեռեկու եմ Սրիստոսելի կանոններին, որոնք, ներկայացնելով վսեմ դադափարների գեղեցիկ ձեւնարկ, ստեղծում են այդքան բանաստեղծներ և երբեմն քանի մի խելագարներ: Արձակ ոճով գրող բանաստեղծները չեն սիրում չափեր, իսկ ես նոցա համար գրեթէ ցնորուած եմ. «բանխնայ գործաւորը երբէք չէ խռովում իւր գործիքից»: Ես պիտի բանեցնեմ մի նոր և հրաշալի առասպելանման մեքենայ և կուրացնելու եմ ձեզ սքանչելի թատրոնական տեսարանով:

CCII.

Սյնպէս որ կըմնայ մի չնչին ասարբերութիւն իմ և նախորդ բանաստեղծների մէջ. և ես համոզուած եմ, որ

այս զէպքում բոլոր առաւելութիւնը պատկանում է ինձ (ոչ թէ՛ ես չունեմ ուրիշ արժանիք, բայց այս վերջինը մի աչքի ընկնող բան պիտի լինի): Վերոյիշեալ պարոնները հիւսում են իրենց նիւթերը այնքան ճոխ և գեղեցիկ, որ վերջ ի վերջոյ անհնարին է լինում մի թել զբանել նոցա առակների լաբիրինթոսից դուրս պրծնելու, մինչդեռ իմ վկայութիւնը ճիշտ է և անսայթաք:

CCIII.

Եթէ մէկը կասկածում է խօսքերիս իսկութիւնը, նորան վկայ կըբերեմ՝—պատմութիւն, աւանդութիւն, փաստեր, պարբերական թերթեր, որոնց ճշմարտախօսութիւնը աներկբայ է և վաղուց գնահատուած, կատակերգութիւններ՝—հինգ արարուածով և օպերաներ՝—երեք: Կարծում եմ, այս ամենը շատ և շատ բաւական է մի մարդու համոզելու, բայց զխաւոր ապացոյցս, անշուշտ, լինելու է այն, որ ինքս անձամբ քանի մի Սեվիլլայիների հետ ահանատես եմ եղել, ինչպէս ստատման ժուանին սանդարամեար քաշեց:

CCIV.

Եթէ մի օր ես ստորանամ մինչև արձակ ոճը, անկասկած, ձեռնարկելու եմ «Բանաստեղծական պատուիրաններ», որոնք, անտարակոյս, պիտի գերազանցեն այն ամենը, ինչ որ առաջ է գրած եղել: Ես շատ լաւ դիտեմ, ինչպէս պէտք է գրուածը ձոխացնել հաղար ու մէկ պարագաներով և առաջարկելու եմ ամենափսեմ խրատներ: Վերնագիրը պիտի լինի՝—«Լոնդին յաղագս մի շշոյ, կամ հրահանգ, ինչպէս իւրաքանչիւր բանաստեղծ կարող է լինել ինքն իւր Սրիստոսելը»:

CCV.

Ահա և պատուիրաններս. «Դու հաւատ կ'ընծայես Միլանին, Պօպին, նաև Դրայդենին. դու չես պարծենալ ոչ Վորդսվորաի, ոչ Կոլմիջի, ոչ էլ Սութէի գրուածնե-րով, որովհետև առաջինը՝—խրթին է, երկրորդը՝—արե-ցողի նման, երրորդի զգացմունքը՝—չինծու. դժուարա-մատչելի է Կրարէն, Կամբելի («Նիպոկրէնը») —մի չոր ու յամաք բան է. դու ոչինչ չես քաղի Սամուէլ Բոջերսից և մեղանչելու չես... Մուրի մուսայի դէմ»:

CCVI.

Դու նախանձ չես բերի ոչ Սութէյի Ապոգոնին, ոչ նորա Պեզասին, ոչ էլ այն ամենին, ինչ որ նորա գրչին է պատկանում. դու չես գործ ածիլ սուտ վկայութիւն, ինչ-պէս այդ անում է «Կապոյաների» կուսակցութիւնը (ես գոնեայ զիտեմ նոցանից մէկին, որ սիրում է այդ) կարճ ասած, դու կրդրես այն միայն, ինչ որ կը պատուիրեմ:

Ահա ձեզ օրինակ մի գօրեղ քննադատութեան և ես ձեզ պատուիրում եմ համբուրել «ուշիմ խելքի հար-ուածող աջը», կամ ծաղրել նորան ad libitum, թէպէտև վերջին դէպքում, զգոյշ եղէք, պարաններ, զգոյշ եղէք, եթէ ոչ...

CCVII.

Եթէ մի յանդուգն համարձակուի պնդել թէ՛ ներ-կայ պատմութիւնս անբարոյական է—յատուկ կրխնդրեմ նորան աղմուկ հանել միայն այն դէպքում, երբ հաստատ համազուի, որ նա վիրաւորուած է, թող նա ինձ կարգայ երկրորդ անգամ և ապա անանք կրխնդրեմ է, արդեօք, որ վիպասանութիւնս անբարոյական է, որովհետև նա զը-

ւարձալի է: Բայց ո՞վ է այն յանդուգնը. վերջապէս, իմ երկոտասաներորդ զրքում ես նորան ցոյց կըտամ այն սի-րելի վայրերը, ուր ընթանում են բոլոր չար մարդիկ:

CCVIII.

Եւ վերջապէս, եթէ զարձեալ զանուելու են անձինք այնքան կոյր իրենց օգտի համար, որ կ'արհամարհեն այս նախերգանքը և մի չար խելքի մոլորեցուցիչ ազգեցու-թեան աակ հաւատ չեն ընծայել ոչ իմ փաստերիս, ոչ էլ իրենց աչքերին, բացականչելով որ նոքա «բարոյականու-թիւնս շինծու են զանում», ես նոցա կ'ասեմ՝—«ստում են», եթէ հոգեւորականների դասից են նոքա և—«մոլոր-վում են», եթէ զինուորականներ կամ կրիտիկոսներ լինեն:

CCXI.

Սյեմ ես սպասում եմ ընթերցողի ծափահարու-թիւններին և խնդրում եմ նորան զիրքս բարոյական հա-մարել. ես զիտեմ, ինչպէս պետք է բարոյականութիւնը զուարճութեան հետ խառնել (ստամ հանող երեխային տալիս են մի անվասս խաղալիք) և մի և նոյն ժամանակ ամենքը մաքնեումու՛ր պիտի պիտի պահէք, որ ես ձգտում եմ վիպասանի գափնիքը քաղի: Վերջապէս, երկիւղ կը-րելով ճշմարտասէր ընթերցողի կասկածը շարժել փա-տերիս խկութեան մասին, ես կաշատեցի փողով մեծ մօրս սիրած «Նանպէս Բրիտանիայի» ամսագիրը:

CCX.

Ջրատարակչին նամակի մէջ ես ուղարկեցի մի շնչին ընծայ և նա շտապեց իւր դոհութիւնը յայտնել փոխա-

զարձ փոստայով, խոստանալով ինձ մի նպաստաւոր յօդուած. բայց եթէ անիրանք իւր խոստումը զրժի և, բացասելով, որ նշանակած զուրմարի երեսը չէ տեսել, սկսի ծագրել իմ պարկեշտ Մուսաս և մեզրի տեղ մտղձ թափել իւր ամսագրի թերթում, ինձ մնալու է միայն ամեն տեղ կրկնել, որ նորա ձեռքը գիպել է արծաթիս:

CCXI.

Եւ ընդ հովանաւորութեամբ այս «Սուրբ Գաշնակցութեան»^ն լիայոյս եմ ընթերցողի բարեմտութեան վերայ և իրաւունք ունեմ անուշաղիթ թողնել գեղարուեստական և գիտական ժողովածուները—ամենօրեայ են նոքա, ամսօրեայ, թէ եռամսեայ—մէկ է. նոյնպէս, ես խալաոցանկութիւն չունեմ նոցա աշխատակցելու, նամանաւանդ, որ, ասում են, զ՛ուր է այդ փորձել, որովհետեւ Edinburgh և Quarterly հանդէսները նահատակութեան են ենթարկում իրենց հակամիտներին:

CCXII.

Non ego hoc ferrem calida iuventa Consule Planco

ասել է ճորացիտը, ես էլ կրկնում եմ. անցան վեց թէ եօթ երջանիկ տարիներ, դեռ առաջ քան սկսել էի նամակներ գրել Բրենտայի փերից, երբ համաձայն էի այս խօսքերի հետ. այո, այն ժամանակ, երբ երիտասարդ էի, երբ հողիս վառ էր, իսկ Գէորդը—թագաւոր, ես երբէք չէի տանիլ ստոնասրտութեամբ «հանդէսների» զրպարտանքներին:

CCXIII.

Իսկ այժմ երեսուն տարեկան հասակում—մազերս սկսում են արդէն սպիտակել... (հետաքրքիր է իմանալ,

ի՞նչ կըլինի նոցա հետ, երբ քառասունս կըմանեմ. նորերումս մտածում էի կեղծ մազեր սպաւրել)... Սիրաս էլ արդէն բաւականաչափ ծերացել է, մի խօսքով, ամառուայ բոլոր ուժերս վասնելով—զարունքս դեռ չվերջայած, ես չեմ զգում այլ ևս իմ մէջ զորութիւն հարուածներին գիմադրելու: Ես վասնել եմ կեանքս, զրամազուլիս և նորա տոկոսները և դադարել եմ առաջուայ պէս կարծել, որ հողիս անյաղթ է:

CCXIV.

Երբէք, այլեւ երբէք սիրաս չէ վայելելու այն թարմ և բարերար ցողը, որի շնորհիւ ես քաղում էի շրջակայ աշխարհից նորանոր և սքանչելի տպաւորութիւններ, ինչպէս մեզուն իւր մեզըր ծաղիկներից է քաղում: Բայց մի՞թէ ծաղիկները այժմ դադարել են բաշխել իրենց քաղցր հիւթը. ոչ, երեւի, ես եմ այնքան մաշուած, որ էլ չեմ զգում նոցա անուշահոտ բուրումը:

CCXV.

Վերջացաւ, ամենը վերջացաւ... ո, իմ սիրտ—ինձ համար դու այլ ևս չես իմ միակ աշխարհը. կար ժամանակ—միակ հարստութիւնս էիր և ամենը քո մէջ էր ամփոփուած... իսկ այժմ, դու էլ չես կարող ոչ երջանկութիւն սրբոգեւել, ոչ ցաւերիս աղբիւրը լինել. պատրանք, մոլորութիւնք—անհետացան առ միշտ. դու այժմ անըզգայ ես, թէև նոյնքան բարի ես մնացել և հրապուրիչ ցնորքների փոխարէն ես ձեռք եմ բերել իմաստութեան քանի մի հատիկներ... Աստուած զիտէ, ինչպէս եղաւ, որ իմաստութիւնը ուղեղս իրեն բնակարան ընտրեց... .

CCXVI.

Միրոյ ժամերը անցան, անդարձ Հեռացան ինձանից. մնաք բարեաւ—հրապոյրք օրիորդների, մնաք բարեաւ—կախարդանք աիկիների և, մանաւանդ, այրի կանանց.— էլ չեն կարող նոքա ինձ տանջել, ինչպէս տանջել են մինչև օրս: Մի խօսքով, այժմ ես ապրելու չեմ այնպէս, ինչպէս ապրած եմ առաջ. փոխադարձ սիրոյ յոյսը կորցրել եմ ամենեւին, իսկ Բորգօի զինին խտուի ինձ արգելուած է: Դէհ, մնում է միայն զառամեալ մարդկանց թիրութիւններից մինը ընտրել. կարծեմ, ամենից յարմարը՝ ազահուծութիւնը կը լինի:

CCXVII.

Փառասիրութիւնը գլխաւոր կուռքս է եղել. և նա փշրուեց ազէաի և զուարճութիւնների սեղանի վերայ. այս երկու աստուածութիւնները թողել են իմ մէջ լոկ խորհրդածութիւններ, որոնք պարապ ժամանակս ինձ զբաղեցնում են: Այսօր ես ասում եմ, ինչպէս Բակօն վարդապետի պղնձեայ գլուխը՝ «Ժամանակը գոյութիւն ունի, ունէր գոյութիւն և այլ ևս լինելու չէ»¹: Երիտասարդութիւնս մի զանձ էր, որ ես վաղօրօք վատնեցի. . . սիրաս յոգնել է սիրելուց, զլուխ—չափեր յորինելուց:

CCXVIII.

Ի՞նչ է փառասիրութեան վերջը. —լցնել, կարելի է, անյայտ թերթերի մի քանի էջեր. և փառասէրը նման չէ

¹ Մի ճին աննորոթիւն Բակօն վարդապետի մասին ասում է թէ պղնձեայ գլուխը, որ նա ծուլեց և որին տուեց խօսելու շնորհք, բացազանչելով վերոյիշեալ խօսքերը ընկաւ պատուանդանից և կտոր կտոր եղաւ:

այն մարդուն, որ քրանած և շնչասպառ ձգտում է հասնել բլրի կատարին, կարծես, ամպամած և աներևոյթ սարի կատարը նա լինէր: Ինչո՞ւ են մարդիկ դրում, խօսում և քարոզում. . . ինչո՞ւ են հերոսները մէկ մէկուն խեղդում, ինչո՞ւ են բանաստեղծները (ինչպէս ասում են նոքա) զիշերուայ ճրագը «վատնում», ինչո՞ւ այդ ամենը, ինչո՞ւ մի անուն ստանալու, մի կողիտ պատկերանկար և մի արձան աւելի ևս անշնորհ և այդ ամենը այն իսկ ժամանակ, երբ ինքն օրինակը դառնալու է փոշի և ոչ այլ ինչ:

CCXIX.

Ի՞նչ են մարդկային յոյսերը. Հին Եգիպտոսի մի իշխան, Քէոպս անուշով, առաջինը հրամայեց կառուցանել ամենամեծ բուրգը, կարծելով որ մի ահագին մահարձան բաւական է լինելու, որ նորա յիշատակը մնայ անմոռաց, իսկ մարմինը—անմնաս:

Մի օր, մի ուղևոր քրքրելով բուրգի մէջ՝ վայր ձգեց դադաղի խուփը. . . ուրիշ ի՞նչ մահարձան կարող է պահպանել մեր սպառաքիտ վերայ դրած յոյսը, եթէ Քէոպսի փոշին էլ չմնաց:

CCXX.

Իսկ ես, ունենալով մի առանձին սէր և ճաշակ դէպի իմաստասիրութիւն, ես յաճախ կրկնում եմ. ափսոս, որ ամենը ստեղծած է մեռնելու համար և մարդս խոտ է, ոչ այլ ինչ, որին մի օր հնձելու է մահուան մանդաղը:

«Ի՞նչ բաւականաչափ ուրախ անցուցիր երիտասարդ օրերդ և եթէ հնար լինէր նորից սկսել կեանքդ. . . հաւատացիր, նոյնը կ'անէիր: Ուրեմն, դժ հզիւր քո ասաղեց, որ կարող էր լինել աւելի ևս չարագուշակ, կարգա՛ Սատուծաշունչը և քսակիդ հոգա՛»:

CCXXI.

Իսկ այժմ, սիրելի ընթերցող և դու, զիրքս գնող (որ աւելի ևս սիրելի ևս սրախ), այժմ բանաստեղծը (այսինքն ես) կամենում է, Ձերդ թոյլալուծեամբ, ձեռնարկ սեղմել յարդանաց հաւաստիքը և հրաժեշտը տալով: Մենք կրաննուենք, անշուշտ, եթէ միայն հաւանենք միմեանց... հակառակ դեպքում՝ ձեզ թողնելու չեմ անհամբերութիւնից տանջուելու. այս օրինակը այնքան էլ մեծ չէ, որ ձեզ ձանձրացնի... երջանիկ կըլինէիք, եթէ բոլոր հեղինակները օրինակէս հետեւէին:

CCXXII.

«Գնա՛, փոքրիկ գրքոյի, հեռացի՛ր իմ առանձնութիւնից, յանձնում եմ քեզ ալիքներին, կատարի՛ր շաւիղդ և եթէ, ինչպէս համոզուած եմ, գալուստդ աջող է, աշխարհը քեզ մոռանալու չէ երկար տարիներ»:—Եթէ Սութէյին կարգում են, իսկ Վորդսվորտին — հասկանում, կարո՞ղ եմ ինձ արգելել փառախնդիր լինելու... Վերջիշեալ չորս տողերը Սութէյից են քաղած. ի սէր Աստուծոյ, սիրելի ընթերցող, չկարծես, որ նոքա ինձ են պատկանում:

ՎԵՐՋ ԱՌԱՋԻՆ ԵՐԳԻ:



ՆՈՒԷՐԻ ԾԱՆՕԹՈՒԹ ԻՆՆԵՐԸ.

- I. ա. Թորի—պահանջական կուսակցութեան անդամ.
 բ. Lakistes—լճականներ. այդպէս կոչվում էին այն բանաստեղծները, որոնք իրանց երկերում նկարագրում էին գլխաւորապէս մեռած բնութիւնը—Շոտլանդիայի լճերը և սարերը.—Սութէյը, Վորդսվորտը և Գոլբիջը այդ ուղղութեան գլխաւոր ներկայացուցիչներ էին.
 V. Կեսվիկ—Սութէյի սովորական բնակութեան տեղը.
 VI. Կաստլի—տիրահոջակ պետական գործիչ.
 XV. Եւտրոպիոս—Սրկաղիոս կայսեր ներքինին, որ մեծ դեր էր խաղում պետական գործերում.
 XVII. Հիպոլոս և Ղեղին գոյները՝ Վիգերի (առաջագէտ կուսակցութեան) գոյները:

Վ Ր Ի Պ Ա Կ Ն Ե Ր .

	Տպած է.	Պէտք է կարդալ.
Նուէր. XIII.	աշխատանք	աշխատանքի
Երգ ա. II.	հնադարեան Բանկի	հնադարեայ Բանկօի
XII.	կտաներից	կտաներից
XVII.	Նոյա	Նորա
XXX.	մեղաւոր չէ. ոչ պա- տասխանատու	մեղաւոր չէ, ոչ էլ պա- տասխանատու.
XLII	տունի ծանօթութիւնը վերաբերվում է XLV տունին:	
LXIV.	բարոյական է,	բարոյական է.

1015
20m

20m July

652

2013

